



英苑英華卷第二百十五

詩六十五

人事二

宴集六十八首

陪宋中丞武昌夜飲懷古

李白

清景南樓夜風流在武昌庾公愛秋月乘興坐胡床龍笛
吹寒水天河落曉霜我心還不淺懷古醉餘觴

流夜卽至江夏陪長史叔及薛明府宴興德寺

南閣

前人

紆殿橫江上青山落鏡中岸回沙不盡日映水成空天樂
流香閣蓮舟颺晚風恭陪竹林宴留醉與陶公

春日陪楊江寧及諸官宴北湖感古 前人

昔聞顏光祿攀龍宴明集作京湖樓舡入天鏡帳殿開雲壑

君王歌大風如樂豐沛都延年獻佳作邈與詩人俱我來

不及此獨立鍾山孤揚宰穆清風芳聲騰海隅英寮光簪

組集作滿粲然集作若瓊林敷鵠首弄倒景蛾眉掇明珠新

絃綵一作採黎園古舞嬌吳歛曲度繞雲漢四座集作皆

歡娛雞棲何嘈嘈松月拂集作沿月笙竽古之帝宮苑今乃人

樵蘇感此勸一觴願君覆瓢壺盛時當作樂無令後賢吁

趙都護宅宴別

盧象見集本

結客候旌麾元戎復在斯文開都護府兵動羽林兒黠虜

多翻覆謀臣有別離智同天所授恩共口相隨漢使開賓

幕胡笳送酒卮風霜迎馬首雨雪事魚麗在策應無戰深

情屬載馳不應行萬里明主寄安危

宴吳王宅

祖詠見集本

吳王承國寵列第禁城東連夜徵辭客當春試舞童砌分

池水岸窓度竹林風更待西園月金罇樂未終

清川口宴張郎中別業

前人

田家復近臣別業不遺親齊日園林好清明煙火新以文

常會友唯德自成隣池沼窓陰晚杯觴藥味春簷前花覆

地竹外鳥窺人何必桃源裏深居作隱淪

何九於客舍集

王昌齡

客有住桂陽亦如巢林鳥壘觴且終宴功業曾未了山月

空齋時江月高樓曉門前泊舟楫行次入松篠此意投贈

君滄波風嫋嫋

晦日陪辛大夫宴南亭

劉長卿

月晦逢休澣年光逐宴移早鶯留客醉春日為人遲
莫草全無葉梅花遍壓枝政閑風景好莫比峴山時

以下五篇並見集本

同諸公袁郎中宴筵喜加章服 前人

手詔來筵上腰金向粉闈勲名傳舊閣蹈舞着新衣
白社同遊在滄洲此會稀寒笳發後殿秋草送西歸
世難常摧敵時閑已息機魯連功可讓千載一相輝

西庭夜宴喜評事兄拜命 前人

猶是南州吏江城又一春隔簾湖上月對酒眼中人
棘寺

初命梅仙已誤身無心羨榮祿唯待却垂綸

惠福寺與陳劉諸官茶會得西字 前人

到此機事遣自嫌塵罔迷因知萬法幻盡與浮雲齊
疎竹

映高枕空花隨杖藜香飄諸天外日隱雙林西傲集作吏微

方見狎真僧幸相携能令歸客意不復還東溪

夏日宴魏萬成湘水亭 前人

何年家在此江濱一作幾度門前北渚春白髮亂生相顧

老黃鶯自語豈知人

梁州陪趙行軍龍崗寺北庭泛舟宴王侍御得長

字 岑參

誰宴霜臺使行軍粉署即唱歌江鳥沒吹笛岸花香酒影

文苑英華 卷一百一十五
三
搵新月灘聲聒夕陽江鍾聞已暮歸棹綠川長

早春陪崔中丞浣花溪宴得暄字 張謂

旌節臨溪口寒刻斗覺暄紅亭移酒席盡鷓返江村雲帶
歌聲颺風飄舞袖翻花開催秉燭川上欲黃昏

燕鄭伯璵宅 前人

正月風光好逢君上客稀曉風吹鳥轉春雪帶花飛堂上
吹金管庭前試舞衣俸錢供酒價行子未須歸

郡南亭子宴 集作春宴 前人

亭子春城外朱門向綠林柳枝經雨重松色帶烟深漉酒
迎仙客穿池集水禽白雲常在眼聊足慰人心

夜同宴用人字 前人

北斗回新歲東園值早春竹風能醒酒花月解留人邑宰
陶元亮山家鄭子真平生頗問道相見日相親

春園家宴 前人

南園春色正相宜老婦同行少婦隨竹裏登臺人不見花
間覓路鳥先知櫻桃解結垂簷子楊柳能低入戶枝山簡
醉來歌一曲參差笑殺郢中兒

與從弟正字從兄兵曹宴集林園 李嘉祐

竹牕松戶有佳期美酒香茶慰所思輔嗣外生還解易惠
連羣從惣能詩簷前花落春深後谷裏鶯啼日暮時云路
歸程仍待月垂韁不控馬行遲

晚春宴無錫蔡長官 集作明府西亭 前人

茅簷閑寂寂無事覺人和井近時澆圃城低下見河與綠
芳草積情向遠峯多別日歸吳地停橈更一過

秋晚招隱寺東峯茶宴

送內弟闕伯均歸江州

前人

萬畦新稻傍山村數里深松到寺門幸有香茶留釋子不
堪秋草送王孫烟塵怨別唯愁隔井邑蕭條誰忍論莫惟
臨岐獨垂淚魏舒偏念外家恩

此詩二百三十六卷重出今已削去

夜宴南陵留別

前人

雪滿前庭月色閑主人留客未能還預愁明日相離處匹
馬千山與萬山

秋夜與梁鍾宴

錢起

客到衡門集作閑林

下林香芳蕙時

集作林香蕙草時

好風時

集作能

至明月不須期秋水翻荷影晴霜脆柳枝

集作絲

微官是底

物許日廢言詩

陪考功王

集作韋

員外城東池亭宴

前人

無雙錦帳即絕景有池塘

集作絕境有林塘

鶴靜踈羣羽蓮開失

衆芳青

集作晴

山看不厭流水趣何長日晚催歸騎鍾聲促

集作下德陽

太子李舍人城東別業與二三文友逃暑 前人

下馬失炎暑重門深綠篁宮臣禮嘉客林表開蘭堂茲日

一作夕

興難盡澄壘照墨場東林晚來好極目趣何長鳥道

掛踈雨人家殘夕陽城隅擁歸騎留酌

集作醉

戀瓊芳

奉陪郭常侍宴瀍水山池

前人

掖垣携愛客勝地當年光向竹過賓館尋山到妓堂歌聲
掩金谷舞態出平陽池滿簪裙影花添蘭麝香鶯啼春未
老酒冷日猶長安石風流事須歸騎省郎

陪郭常侍令公東亭宴集

前人

盛業山河列重名劔履榮珥貂爲相子開閣引特英美景
池臺色佳期宴賞情詞人載筆至仙妓出花迎暗竹朱輪
轉回塘玉珮鳴舞衫招戲蝶歌扇隔啼鶯飲德心皆醉披
雲與轉清不愁歡樂盡積慶在和羹

春夜皇甫冉宅歡疑酒

張繼

流落時相見悲歡共此情興因罇酒洽愁爲故人輕暗滴

花垂露斜暉月過城那知橫吹曲江外作邊聲

楮主簿宅會畢庶子錢員外卽使君韓翃

開甕臘酒熟主人賞同暮天踈竹上殘雪亂山中更喜
宣城卽朝廷與謝公

華州夜宴庾侍御宅

前人

世故他年別心期此夜同千峯孤燭外片雨一更中酒客
逢山簡詩人得謝公自憐驅匹馬拂曙向關東

春日陪兩省諸公宴張舍人宅卽士元

懶尋芳草徑來接待臣筵山色知殘雨墻陰覺暮天鶯歸
漢宮柳花隔杜陵烟地與東城接春光醉目前

春宴王起城東別業

前人

柳陌乍隨洲勢轉
花源忽傍竹陰開
能冷瀑水清人境直
取流鶯送酒杯
山下古松當綺席
簷前片雨滴
春苔地主
同聲復同舍
晉連不畏夕陽催

宴趙氏昆季書院

盧綸

詩禮挹餘波
相歡在琢磨
琴樽方會集
珠玉忽駢羅
謝族風流盛
于門福慶多
花攢騏驎
櫪錦絢鳳凰
窠詠雪因饒
妹書經欲換
鵝仍聞廣練
被更有遠儒過

春日喜雨逢陪侍中宴白鶴樓

前人

鸛鵠相呼綠野寬
鼎臣閑倚玉欄干
黃河擁末流仍急
蒼嶺和雲色更寒
艷艷風光呈瑞歲
冷冷歌頌振凋盤
今朝醉舞同鄉老
不覺頻傾集作解豸冠

九日奉陪渾侍中宴白鶴樓

前人

露白菊氛氲
西樓盛襲文
玉筵秋令節
金鉞漢元勳
說劍風生座
抽琴鶴遶雲
謏儒無以谷
願得備前軍

此詩三百十二卷重出今已削去

和李太守早秋城北亭宴司士因寄關中兄弟見三

百十六卷

丁評事宅秋夜宴集

柳中庸

翠幕卷回廊
銀燈開後堂
風驚擁砌葉
月冷滿庭霜
綺席人將醉
繁絃夜未央
共憐今促席
誰道客愁長

郡齋雨中與諸文士燕集

韋應物

兵衛森畫戟
宴寢疑清香
海上風雨至
逍遙池閣涼
煩痾

近集作消散嘉賓復滿堂自慙居處崇未覩斯民康理會

是非遣性達形跡忘鮮肥屬時禁蔬菓幸見嘗俯飲一杯

酒仰聆金玉章神歡體自輕意欲集作凌風翔吳中盛文

史羣彥今汪洋方知大藩地豈曰財賦強

宴李錄事

前人

與君十五侍皇闈曉拂爐烟上玉墀花開漢苑經過處雪

下驪山沐浴時近臣零落今誰在仙駕飄颻不可思此日

相逢思曩集作日一杯成喜亦成愁

軍中冬宴

前人

滄海已云晏皇恩猶念勤宴論集作宴徧恒秩柔遠迨集作

斯人茲邦實大藩代鼓軍樂陳是時冬服成戍士氣益振

慮竹謬朝寄英賢降上賓徒罄周旋禮愧無海陸珍庭中

九劔爛堂上歌吹新光景不知晚觥杓集作豈能一作頻

簞集作醪昔所感大醪况同忻顧謂軍中士仰答何由申

翫花與衛長林二字集同醉司空曙

衰鬢千莖雪集作他鄉一樹花今朝與君醉忘却在長沙

早春夜集耿拾遺宅 李端

如何逋客會忽在侍臣家新草猶停雪寒梅未稱花銜杯

雞欲唱逗月鴈應斜年齒俱憔悴誰堪故國賒

軍中醉飲寄沈八劉叟 暢當

酒渴愛江清餘醅漱晚汀軟莎欹坐穩冷石醉眠醒野膳

隨行帳筆音發從伶數盃君不見都已遣沉冥

偶宴西蜀摩訶池

前人

珍木鬱波池風荷左右披淺觴寧及醉慢舸不知移蔭簟
流光冷疑簪照影歌胡爲獨羈者雪涕向漣漪

殷卿宅夜宴

張南史

日暗城烏宿天寒極馬嘶詞人留上客妓女出中閨積雪
連燈照回廊映竹迷太常今夜宴誰不醉如泥

陸璞宅秋暮雨中探韻同作

已上一百五十三卷

前人

江鄉故人偶集客舍

戴叔倫

天秋月又滿城闕夜千重還作江南會翻疑夢裏逢風枝
鳴散集作驚暗鵲露草覆寒蛩羈旅長堪醉相留畏曉鍾

勸陸三

前人

寒郊好天氣勸酒莫辭頻擾擾鍾陵市無窮不醉人

奉酌盧端公飲後贈諸公見示之作 前人

佐幕臨戎

集作人

旌旆間五營無事萬家閑風吹楊柳漸拂

地日映樓臺欲下山綺席晝開留上客朱門半掩擬重關

當時不敢辭先醉悟

一作

逐羣公倒載還

此詩二百四十四卷重出今已削去

奉陪李大夫九日龍沙宴會

得進字

權德輿

龍沙重九會千騎駐旌旗水木秋光淨絲桐雅奏遲烟蕪
歛暝色霜菊發寒姿今日從公醉全勝落帽時

韋賓客宅與朱博士宴集

前人

累抗乞身章湛恩比上庠賓筵微稷嗣家法自扶陽簪組

歡言久琴壺雅興長陰嵐冒苔石輕籟韻風篁佩玉三朝
貴揮金百慮忘因知臥商維豈勝白雲鄉

閨春宴花溪嚴侍御莊

戎昱

一團春翠色云是子陵家山帶新晴雨溪留閨月花瓶開
巾漉酒地拆筍抽芽絲繹承顏服朝朝奏白華

冬夜宴梁十二廳

前人

故人能愛客秉燭會吳曹家爲朋徒罄心緣翰墨勞夜寒
銷臘酒霜冷重綈袍醉臥西窓下時聞鴈響高

宴城東莊

崔惠

一月生人笑幾回相逢相值且銜杯報看春色如流水今
日殘花昨日開

同前

崔敏重

一年過又一年春百歲曾無百歲人能向花中幾回醉十
千沽酒莫辭貧

五言奉和顏使君修韻海畢州中重宴

釋皎然

世學高南郡身封盛魯邦九流宗韻海七字挹文江借賞
雲歸蝶留歡月在窓不知名教樂千載與誰雙

五言冬至日陪裴端公使君清水堂宴集 前人

亞歲崇高宴

雜咏作嘉

華軒照綠波渚芳迎氣早山翠向晴多

推往知時訓書羣

疑作祥

辨政和從公惜日短留賞夜如何

五言梅日陪顏使君白蘋洲集得東字 前人

南朝分古郡山水似湘東堤月吳風在洲居

雜咏作前車

楚客

同桂寒初結作雜佩蕚小欲成叢時晦佳遊促高歌聽未

終

五言陪盧判官水堂夜宴

前人

暑氣當宵盡徘徊坐月前靜依山堞近涼入水屏偏又是
栖林客初逢佐幕賢愛君高野意烹茗酌淪漣

春夜與諸公同宴呈陸郎中

前人

南國宴佳賓交情老倍親月慙紅淚燭花笑白頭人寶瑟

絙一作桓餘怨瓊枝不讓春更聞歌子夜桃李艷粧新

春晚奉陪相公西亭宴集

武元衡

林一作花苑春向蘭高會重邀歡感物惜芳景放懷因綵翰

玉顏穠處並銀燭焰中看若折持相贈風光益別難

奉陪相公西亭夜宴陸郎中

崔備

賓閣玳筵開通宵逝玉杯塵隨歌扇起雪逐舞衣迴剪燭

清光發添香煖氣來令君敦宿好更為一徘徊

同前

王良士

芳氣襲荷蘭青雲展舊歡仙來紅燭下花發綵毫端海岳

期芳遠松筠歲正寒仍聞言贈處一字重琅玕

同前

蕭祐

弘閣陳芳宴佳賓此會難交逢貴日重醉得少時歡欵黛

凝歌思求音足筆端一聞清佩動珠玉夜珊珊

同前

盧士政

華堂良宴開星使自天來舞轉朱絲一作絃逐歌餘素扇回

水光臨曲檻夜色霽高臺不在賓階末何由接上台

同前

獨孤寔

仙郎膺上才夜宴接三台燭引銀河轉花連錦帳開靜看
歌扇舉不覺舞腰回寥落東方曙無辭盡玉杯

和劉員外陪韓僕射野亭公宴 楊巨源

好客風流瑇瑁簪重簷高幕曉沉沉綺筵霜重旌旗滿玉
帳天清絃管聲繁戲徒過魯儒目衆歡方集漢郎心寒如
一曲嚴城暮雲騎連嘶香外林

邵州陪王郎中宴

前人

西塞無塵多玉筵
繚繚鷺鷥儼相連
紅茵照水開罇俎
翠幕當雲發管絃
歌態曉臨團扇靜
舞容春映薄衫妍
魯酒
縱使他時有不似歡娛及少年

文苑英華卷第二百十五

文苑英華卷第二百十六

詩六十六

人事三

宴集五十六首

九日陪樊尚書龍山宴集

楊衡

孟嘉從宴地千乘復登臨
緣危陟高步憑曠寫幽襟
黃花翫初馥翠物喜盈斟
雲雜組繡色樂和山水音
旆搖秋吹急筵卷夕光沉
都人瞻騎火猶知隔寺深

上巳日陪齊相公花樓宴

盧綸

鍾陵暮春月飛觀延羣英
晨霞耀中軒蒲席羅金瓊
持盃凝遠睇觸物結幽情
樹杪參差綠湖光瀲灩明
禮卑瞻絳帳恩浹厠華纓
徒記山陰興雜詠念此今日乃為榮

冬夜宴河中李相公中堂命箏歌送酒 劉禹錫

琅琅集作朗朗鷓鴣絃華堂夜多思簾外雪已深座中人半醉

翠娥發清響曲盡有餘意酌我莫憂狂老來無逸氣

此詩三百十四卷重出今已削去

王少尹宅宴張常侍二十六兄白舍人太監兼呈

盧郎中李員外副使一作二副使前人

將星夜落使星來三省清晨到外臺事重各銜天子詔禮

成同把友集作故人盃卷簾松竹雪初霽蒲院池塘春欲廻

第一林亭迎好客殷勤莫笑集作惜玉山頽

此詩一百五十卷重出今已削去

同年春讌 孟郊

少年三十士嘉會良在茲高歌搖春風醉舞摧花枝意動

婉婉集作晚晚景喜疑芳菲時馬跡攢驤裏樂聲韻集作運參差

視聽改舊趣物象合集作含新姿紅雨花上滴綠煙柳際垂

淹中講精義南皮戲清詞前賢與今人千載為一期明鑒

有皎潔澄集作良玉無磷淄水將集作與泥沙別各整霄集作雲

漢儀盛氣自中積英名日四馳塞鴻無集作絕傳匹海月難

等夷鬱抑忽已盡親朋樂無涯幽蘅發空曲芳杜綿所思

浮跡自聚散壯心誰別離願保金石志無令有奪移

寒食內宴二首 張籍

朔光瑞氣蒲宮樓綵燾魚龍四面稠廊下御厨分冷食殿

前香騎逐飛毬千官盡醉猶高坐百戲皆呈亦未集作未放休

共喜拜恩侵夜出金吾不敢問行由

二

城闕沉沉向曉寒恩常冷節賜餘歡瑞煙深集作入處開三

殿春雨微時引百官寶樹樓前分翠幕綵花廊下映朱集作

華欄宮庭戲樂年年別已得三廻對御看

三原李氏園宴集

前人

暮春天早熱邑居苦囂煩言從君子樂樂彼李氏園園中

有草堂池引涇水泉開戶西北望遠見差峩山借問主人

翁北州佐戎軒僕夫守舊宅為客施華筵高懷有餘興一作

膏壤有滋竹一作樹芳且鮮傾我所持觴盡日共留連疎一作

不偶俗常喜形體閑况來幽棲地能不重笑言

郡中春醮因贈諸客

白居易

僕本儒家子待詔金馬門塵忝親近地孤負聖明恩一旦

奉優詔萬里牧遠人可憐鳥夷帥自稱為使君身騎牂牁

馬口食巴集作塗江鱗暗淡緋衫故爛班白髮新是時歲二

月玉曆布春分頒條示皇澤命宴及良辰冉冉趨府吏出

蚩聚州民有如蟄蟲鳥亦應天地春薰草蓆鋪座藤枝酒

注樽中庭無平地高下隨所陳蠻鼓聲坎坎巴女舞蹲蹲

使君居上頭掩口語眾賓勿笑風俗陋勿欺官府貧蜂窠

集作巢與蟻穴隨分有君臣

六年寒食洛下宴遊贈馮李二少尹 前人

豐年寒食節美景洛陽城三尹皆強健七日盡清明東郊

踏青草南園攀紫荆風折海樞艷露墜木蘭英假開春未
老宴洽日屢傾珠翠混花影管絃藏水聲佳會不易得良
辰亦難并聽吟歌暫輟看舞盃徐行米價賤如土酒味濃
如錫此時不盡醉但恐負平生殷勤二曹長各捧一銀瓶

集作
觥

郡樓夜宴留客

前人

北客勞相訪東樓爲一開寒簾待月出把火看潮來艷唱
竹枝曲香傳蓮子盃寒天殊未曉歸騎且遲迴

飲散夜歸贈諸客

前人

鞍馬夜紛紛香街起暗塵迴鞭招醉集作妓分火送歸人
風月應堪惜盃觴莫厭頻明朝三月盡忍不送殘春

與諸同年賀座主侍郎新拜太常同宴蕭尚書亭

子座主於蕭下及第得群字 前人

寵新卿典禮會盛客徵文不失遷鷺侶因成賀鷺群池塘
晴間雪冠蓋暮如雲共仰曾攀處年深桂尚薰

東都冬日會諸同年宴鄭家林亭得先字 前人

盛時陪上第暇日會群賢桂折應同樹鷺遷各異年賓階

紛組綬集作妓席儼花鈿促膝齊榮賤差肩次後先助歌

林下水銷酒雪中天他日昇沉者無忘共此筵

宴散

前人

小宴追涼散平橋步月迴笙歌歸院落燈火下樓臺殘暑
蟬催盡新秋鴈帶來將何迎睡興臨卧舉殘盃

與諸客空腹飲

前人

隔宿書招客平明飲暖寒麴神寅日合酒聖卯時歡促膝
纔飛白醜顏已溼丹碧籌攢米盃紅袖拂散盤醉後歌尤
易狂來舞何難拋盃語同坐莫作老人看

宴周皓大夫光福宅

前人

何處風光最可憐妓堂階下砌臺前軒車擁路光照地絲
管入門聲徹一作沸天綠蕙不香饒桂酒紅櫻無色讓花鈿
野人不敢求他事唯借流泉集作泉聲伴醉眠

夜宴惜別

前人

笙歌旖旎曲終頭轉作離聲滿座愁箏怨朱絃從此斷燭
啼紅淚為誰流夜長似歲歡宜盡醉未如泥飲莫休何況

鷓鳴即須別門前風雨冷條條

蘇州郡齋旬假始命宴呈座客示群寮 前人

公門日兩衙公假月三旬衙用決簿領旬以會親賓公多
及私少勞逸常不均况為劇郡長安得閑宴頻下車已三

月開筵始今辰初黔軍厨突一拂郡榻塵既備獸酌禮亦

具水陸珍萍醅若集作若溪醕水鱠松江鱗侑食樂懸動佐

歡妓席陳風流吳地客佳麗江南人歌節點隨袂舞香遺

在茵清奏凝未闕醜顏氣一作朱顏醜已春衆賓勿遽起群僚

且逡巡無輕一日醉用犒九日勤微彼九日勤何以治吾

民微此一日醉何以樂吾身

軍城夜會

姚合

軍城夜禁樂飲酒每題詩坐穩吟難盡寒多醉較遲遠鍾
驚漏壓微月被燈欺此會誠堪惜天明是別離

春日同會崔少卿宅

前人

詩家會詩客池閣曉初晴鳥盡山中語琴添集作多譜外聲

映花相勸酒入洞各題名踈野長集作常如此誰人信在城

同諸公會大府韓卿宅

前人

九寺名卿才思雄邀歡筆下與盃空一作中六街鼓盡塵埃

息四座筵開語笑同焰焰蘭缸明狹室丁丁玉漏發深宮

唯愁即是鷄催曉集作即聽鷄唱天門曉吏事相牽西復東

陪湖州韓中丞讌

朱餘慶

老大成名仍足病強聽絲竹亦無歡高情太守留閑坐惜

與青山盡日看

秋日零陵與幕下諸賓遊河夜宴

鄭史

湘月蘋風乍暢襟燭前江水練千尋新秋宋玉能為賦未

夕袁宏好共吟輦下翠娥須強展罇中綠蟻且徐斟汀沙

漸有珠凝一作如珠露緩棹蘭撓任夜深

夜携酒訪崔正字

劉得仁

只應芸閣吏知我僻兼愚吟興忘飢凍生涯任有無慘雲

埋遠岫陰吹吼寒株忽起圍爐思招携一作携來酒滿壺

夏夜會同人

前人

沉沉清暑夕星斗儼虛空岸幘栖禽下烹茶玉漏中形骸

忘細故偃仰秦愚秉自汲泉來漱微開密篠風

東齋夜宴酬紹之起居見贈

楊發

龍門八上不知津
唯有君心困益親
白社追遊名自遠
青袍相映道逾新
十年江海魚緘盡
一夜笙歌鳳吹頻
漸老蕉交情更重
莫將美一作文酒負良辰

長安客舍懷邵陵宴寄永州蕭使君五首 曹唐

邵陵樓榭集作臺榭碧閣一作樹葱籠河漢星集作西流宴未終殘露
五更掀海月清
霜三會揭天風
香薰舞席雲鬢綠
光射殿盤蠟燭紅
今日却思行樂處
兩床絲竹小樓中集作水樓中

二

粉蝶集作色彤軒盡障西水雲紅
樹窳璇題鷓鴣影集作欲絕

歌聲定鵲鷓鴣驚初集作初驚舞翅齊坐對玉山難
句線聽唯集作

聽金石怕低迷
迷東風月下集作夜月三年飲未有不省歸時

似泥

三

木魚銅鑰鎖春城
夜上紅集作江樓縱飲情竹葉水繁更漏

短桐花風軟管絃
清百分散打銀缸
溢十指寬催玉筋輕

星斗盡飛賓客醉
碧雲猶戀艷歌聲

四

三年身逐漢公侯
賓榻容居最上頭
飽聽笙歌陪痛飲
熟

尋雲榭縱閑遊
朱門鎖閉煙嵐暮
鈴集作紫閣清涼水木秋

月滿前山風不動
更邀詩客醉南樓

五

不知何路學飛翻，虛受賢侯鄭重恩。午夜清歌敲玉筯，集作
樹三年洪飲竭金樽。招携每感雙魚遠，報答空思集作
一劍存。狼藉梨花滿城月，當時長醉信陵門。

灞集作上宴別

許渾

山斷水茫茫，洛人西路長。笙歌留遠棹，風雨醉華堂。集作

紅壁耿秋燭，翠簾凝曉香。何言集作從此去，雲樹滿陵陽。集作

潁川從事西湖亭宴餞

前人

西湖清宴不知迴，一曲離歌酒一盃。城帶夕陽聞鼓角，寺

臨秋水見樓臺。玉堂客醉集作蘭蟬猶噪，桂楫人稀鳥自

來。獨想征車過鞏洛，此中霜菊遶潭開。

將為南行陪浙江尚書崔公宴海樞堂 前人

朝華堂暮未休，幾人偏得謝公留。風傳鼓角霜侵戟，雲

卷笙歌月上樓。賓館盡開徐稚榻，客帆空望集作李膺舟。

謾誇書劍無知己，集作水遠山遙集作步步愁。

夏夜宴明月湖

薛逢

夏夜宴南湖，琴觴興不孤。月搖天上桂，星泛浦中珠。助照

螢隨舫，添盤笋進厨。聖朝思靜默，堪守谷中愚。

醉中看花因思去歲之任

前人

去歲乘軺出上京，軍機旦暮促前程。狂花野草途中恨，春

月秋風劍外情。愁見瘴煙遮路色，厭聞溪水下灘聲。不辭

醉伴諸年少，羞對紅粧白髮生。

春夜樊川竹亭陪諸同年讌 項斯

相知皆是舊每恨獨遊頻幸此同芳夕寧辭倒醉身竹光
遙映燭萼粉暗飄茵明月分歸騎重來更幾春

陪韋中丞宴扈都頭花園

趙嘏

門下

集作外

煙橫載酒舡謝家

集作公

携客醉華筵尋花偶坐

將軍樹飲水方重刺史天幾曲艷歌春色裏斷集作數行高

鳥暮雲邊分明聽得與人語願及行春更一年

九日陪越州元相宴龜山寺

一作亭

前人

佳晨何處泛花遊丞相筵開水上頭雙影旆搖山雨霽一

聲歌裊

一作動

寺雲秋林花

一作光

靜帶高城晚湖水

一作水

色寒

分半檻流共賀萬家逢此節可憐風物似一作蒲荆州

今年新先輩以過客之際每有一作月宴集必資清

談

前人

天上高高月桂叢分明三十一枝風滿懷春色向人動遮
路亂花迎馬紅鶴馭迴飄雲雨外蘭亭不在管絃中居然
自是前賢事何必青樓倚翠空

婺州宴晉上蕭員外

前人

雙溪樓影向雲橫歌轉高雲晚更清獨自下樓騎瘦馬搖
鞭重入亂蟬聲

集宿姚侍御宅懷永樂宰殷侍御

馬戴

石田虞芮接種柳白雲陰穴閉神蹤古河流禹鑿深樵人
應滿郭仙鳥幾巢林此會偏相語曾同雪夜吟

冬日陪同州吳常侍閑宴

前人

中天白雲散集客郡齋時陶性聊飛爵看山忽罷碁雪花
疑始霽木葉脫無遺靜裏常多暇招邀愜所思

夏日會脩行段將軍宅

顧非熊

愛君書院靜莎覆蘚堦濃連穗古藤暗領鷓幽鳥重罇前
迎遠客林杪見晴峯誰謂朱門內雲山滿座逢

廣州陪涼公從叔越臺讌集

李羣玉

一逕松稍踏石梯步窮身在白雲西日銜赤浪金車沒天
拂滄浪翠笠低高鳥散飛驚大旆長風萬里卷秋聲王鈞
挂海笙歌合珠履三千半似泥

夜宴

温庭筠

孔雀眠高樹櫻桃拂短簷畫明金冉冉語玉纖纖細雨

無妨燭輕寒不隔簾莫將紅錦段因夢與江淹

陪李郎中夜讌

方干

間世星郎夜讌時丁丁寒漏滴聲稀琵琶絃急集作促千般

語鸚鵡盃深四散飛通請玉容歌白雪高烧紅燭集作照

朱衣人間盛事猶如此爭遣漁翁戀釣磯

石門韋明府爲置東陽潭石魚集作鱒繪李群玉

錦鱗銜釣集作餌出清漣煖日江亭動繪筵疊雪亂飛消筍

底散絲繁灑拂刀前太湖浪說朱衣鮒漢浦休誇縮項鱸

俊味品流知第一更勞霜橘助芳鮮

長沙陪裴大夫夜讌

前人

東山夜讌酒成河銀燭熒煌照綺羅四面雨聲籠笑語滿

堂香氣泛笙歌冷冷玉漏初三滴
艷艷金觴已半醅
共向栢臺窺雅量澄波萬頃見天和

永州陪鄭太守登舟夜宴席上各賦詩 蔣肱

江頭朱綬間青襟豈是仙舟一作州不可見一作尋誰敢強登

徐稚榻自憐還學謝安吟月疑一作疑蘭棹輕風起妓一作歌

勸金壘盡醉斟剪盡蠟紅人未覺歸時城郭曉煙深

襄陽閑居與友生夜會 皮日休

隱悠悠世不知於園幽事適相期
舊絲再上琴調晚壞

葉重燒酒煖遲三逕引時寒步月四隣偷得夜吟詩
草玄

寂淡無人愛不遇劉歆更語誰

與友人對酒吟詩 杜荀鶴

君滿酌酒聽我醉中吟客路如天遠
侯門似海深新墳

侵古道白髮戀黃金共有人間事
須懷濟物心

陪湖李中丞宴隱溪 曹松

竹林啼鳥不知休羅列飛橋水亂流
觸散柳絲迴玉勒約

開蓮葉上蘭舟酒邊舊侶真何遜
雲裏新聲是莫愁若值

主人嫌晝短應陪秉燭夜深遊

夜飲 前人

良宵公子宴蘭堂濃麝薰人獸吐香
雲帶金龍銜畫燭星

羅銀鳳馮瓊漿蒲屏珠樹開春景
一曲歌聲遶翠梁席上

未知簾幕曉青娥低語指東方

駙馬宅宴罷 前人

文苑英華卷一百一十七
粉墻殘月照宮祠宴闋銀瓶一半歌學語鶯兒飛未穩放
身斜墜綠楊枝

文苑英華卷第二百十六

文苑英華卷第二百十七

詩六十七

人事四

宿會七十五首

王侍中夜禁

吳均

抽蘭開石路剪竹製山扉文淪見綠水參差隱翠微西商
採藥至東都謝病歸紡毛織野服縫芟作山衣欲知三青
鳥簷上素雲飛

喜祖三至留宿

王維

門前洛陽客下馬拂征衣不枉故人駕平生多掩扉行人
返深巷積雪帶餘輝集作早歲同袍者高車何處歸

河南嚴尹弟見宿弊廬訪別人賦十韻 前人

上客能論道吾生學養蒙貧交世情外才子故人中冠上方安豸車邊已盡熊拂衣迎五馬垂手凭雙童花醪一作醴和松屑茶香透竹叢薄霜澄夜月殘雪帶春風古壁蒼苔黑寒山遠燒紅眼看東候別心事北川同若學輕先輩何能訪老翁欲知今日後不樂為車公

友人會宿

李白

滌蕩千古愁留連百壺飲良夜一作宵宜清話一作談浩然一作

皓未能寢醉來卧空山天地即衾枕

此詩一百九十卷重出今已割去注異同為一作

宿陳留李少府揆廳

祖詠

相知有李集作叔卿訟簡夜彌清旅宿倦愁卧空堂聞曙更

風簾集作簾搖燭影秋雨帶蟲聲歸思那堪說悠悠集作恨

洛城

宿王昌齡隱居

常建

青溪深不測隱處惟孤雲松際露微月清光猶為君菊庭

宿花影文粹作茅亭宿花鳥藥院滋苔文余亦謝時去西山鸞鶴群

宿畢侍御宅

錢起

交情貧更好子有古人風晤語秋霜裏平生苦節同心唯二仲合室乃一瓢空落葉寄秋菊愁雲低夜鴻薄寒燈影外殘漏雨聲中明發南昌去迴看御史聰

秋夜宿嚴維宅

皇甫冉

昔聞玄度宅門向會稽峯居疑作君住東湖下清風繼舊蹤

秋深臨水月夜半隔山鍾世故多離別良宵詎可逢

謝盧十一過宿

前人

乞還方未遂日夕望雲林况復經逢集作春草何妨集作問

此心閉門公務散枉策故情深靜集作遙夜他鄉酒同君梁

甫吟

同韓一作員外宿雲門寺

嚴維

小嶺路雖近仙即此夕一作過潭空觀月定澗靜見雲多

竹翠煙深色松聲雨點和萬緣俱不有對景自垂蘿

謝一作諸公宿鏡水宅

前人

幸免低頭向府中貴將藜藿與君同陽鴈叫霜來枕上寒

山映月在湖中詩書何德各夫予草木推年長數公聞道

漢家偏長少此身那比訪芝翁

宿江西竇主簿廳與此公亡兄聯官一作崔峒

廣庭方緩步星漢話中移月滿關山一作道鳥一作啼霜

樹枝時艱難會合年長重親知前事成金石悽然淚欲垂

秋夜同暢當宿藏公院

盧綸

禮足一垂淚醫工知病由風螢方喜夜露槿已傷秋顧以

童子愛每從仁者遊將末一作竟何得滅跡在緇流

客舍喜崔補闕司空拾遺訪宿

前人

步月貧諸隣蓬居宿近臣烏裘先醉客清鏡早朝人懷壁

疑作煙垂網香街火照塵悲榮俱是分吾亦樂吾貧

冬夜宿司空曙野居因寄酬贈

常應物

南北與山隣蓬庵庇一身繁霜疑有雪荒草似無人遂性
在耕稼所交唯賤貧何緣張椽傲每重德璋親

同褰子秋齋獨宿

前人

山月皎如燭風霜時動竹夜半鳥驚棲惚問人獨宿

盧新吳航忽遠至留宿弊居

戴叔倫

出門迎故友衣服滿塵埃歲月不可問山川何處來綺城
容弊宅散職寄虛臺願此留君醉相逢知幾迴

與故人夜坐道舊

權德輿

笑語歡今夕煙霞愴昔遊清羸還對月遲暮更逢秋勝理
方自得浮名不在求終當製初服相與卧林丘

夏夜宿袁兄

一作話舊

竇叔向

夜合花開香滿庭夜深微雨醉初醒集作醒非遠書珍重何曾

蓬舊事淒涼不可聽去日兒童皆長大昔年親友半凋零

明朝又是孤舟別愁對

一作見

河橋酒幔青

宿嚴秘書宅

釋清江

佳期曾不遠甲第即南鄰惠愛偏相及經過豈厭頻秋光
林葉動夕霽月華新莫話羈棲事平原是主人

晚秋宿李軍道所居

釋皎然

青溪路不遙都尉每相招落日休戎馬秋風罷謝鷗木花
生野徑栢實滿寒條末夜依山府禪心共寂寥

宿支硎寺上方

前人

上方精舍遠共宿白雲端寂寞千峯夜蕭條萬木寒山光

露下見松色月中看暫與西林別歸心却欲闌

馬兵曹季良宅夜集

前人

清景不可失尋君趣有餘身高避事外道長問心初出處
名則異遊從跡何疎吟看刻盡燭笑卷讀殘書露彩生筆
硯風音入庭除平明仙侶散轂觝動迴車

晦夜李侍御萼宅集招潘述湯上人飲茶賦詩

前人

晦夜不可坐一作生月琴軒猶為開墻東隱者在淇上逸僧來
茗愛傳花飲詩看卷素裁風流高此會晚景屢徘徊

秋喜盧綸訪宿

司空曙

靜夜無四隣荒居舊業貧月集作雨中黃葉樹燈下白頭人

以我獨沉久媿君相訪頻平生有深集作自有分况是蔡

家親

秋喜盧綸同宿寺

前人

浮生共多故聚宿喜君同人息時聞磬松搖乍有風寒霜
疑集作疑水際夜木似山中一願投如意長來事遠公

此詩二百三十五卷重出今已削去

耿緯就宿因傷故人

前人

舊時聞笛淚今夜重沾衣方恨同袍少何堪相見稀竹煙
疑澗壑林雪似芳菲多謝勞車馬應憐獨掩扉

中秋與空上人同宿華嚴寺

冷朝陽見雜詠

掃榻相逢宿論詩舊梵宮磬聲迎鼓盡月色過山窮庭簇

安禪草窻飛帶火虫一宵何惜別回首隔秋風

宿興善寺後堂

集無池此字

李端

草堂高樹下月向後池生野客如僧靜集作同僧坐新河共水

平錦鱗集作沉同不食繡羽亂相鳴即事思江海誰能萬里

行

秋夕會友

姚係

倦客易相失歡遊無良

浪一作

晨忽然一夕間稍慰闔家貧

白露下庭梧孤琴始悲辛迴風入幽草蟲響滿四隣會遇

更何時持杯重殷勤

山齋獨宿晏上人

楊衡

幢幢雲樹秋黃葉下山頭蟲響日夜難一作空度夢閑神不遊

寒燈寒几盡簾雨曉皆愁何以禪栖客灰心在沃州一作洲

宿雲溪觀賦得秋燈引送客

前人

雲房寄宿秋夜客一燈熒熒照虛壁虫聲呼客客未眠幾

人語話清景側不可離別愁紛多秋燈秋燈柰別何

宿陸氏齋賦得殘燈詩

前人

殷勤照水夜屬思未成眠餘暉含薄霧落燼迸空筵誰比

秦樓曉緘愁別幌前

宿漁家

張籍

漁家住江口潮水入柴扉行客欲投宿主人猶未歸竹深

村路暗月出釣舡稀遙見尋沙岸秋風動草衣

此詩二百九十三卷重出今已削去

酬段丞與諸碁流會宿弊居見贈 元稹

鳴局寧虛日閑牕任廢時琴一作書其盡棄園井詎能窺

運石疑填海爭籌憶坐帷赤心方苦闢紅燭已先施蛇勢
縈山合鴻聯度嶺遲堂堂排直陣袞袞逼羸師懸劫偏深
猛迴征特險巖旁攻百道進死戰萬般為異日玄黃隊今
霄黑白碁斫營看迴點對壘重相持善敗雖稱怯驕盈最
易欺狼牙當必碎虎口禍難移乘勝同三捷扶顛望一楮
希因送目便敢恃指蹤竒退引防邊策雄吟斬將詩眠床
都浪置通夕共忘疲曉雉風傳角寒叢雪墮枝繁星收玉
版殘月耀冰池僧請聞鐘粥賓催下藥卮獸炎餘炭在臘
淚短光衰俛仰嗟陳跡殷勤下後期公私牽去住車馬各

更離分作終身癘兼從是事隨此中無限興唯怕俗人知

神照禪師同宿 白居易

八年二月晦山梨花滿枝龍門水西寺夜與遠公期宴坐
自相對密語誰能知前後際斷處一念不生時

初除主客郎中知制誥與王十一李七元八一作九

三合人中書同宿語一作舊感懷前人

閑宵靜語喜還悲聚散窮通不自知已分雲泥行異路忽
驚鷄鶴宿同枝紫垣曹署榮華地白髮郎官老醜時莫怪
不知君氣味此中來較十年遲

秋夜宿梁十三廳事 戎昱

今年秋已暮還恐未成歸夢裏家仍遠愁中葉又飛竹聲

風度急燈影月來微賴得梁夫子心源集作如有所依

宿太守李公宅

于鵠

群齋常夜靜集作掃不卧獨吟詩把燭迎幽客昇堂戴接離

微風吹凍葉殘集作餘雪落寒枝明日逢山伴須令隱者知

雨中喜賈島訪宿

姚合

雨裏難逢客閑吟不復眠虫聲秋併起林色夜相連愛酒

此生理趨朝末老前終須攜手去滄海棹漁船

洛下夜會寄賈島

前人

洛下工集作攻詩客相逢只是吟夜鷓歡稍靜寒屋坐多深

烏府偶為吏滄江長在心懷君難就寢燭滅復星沉

夜宴一作宿太僕田少卿宅

前人

故人九寺長邀我以此同歡臥未夜開筵盡中年飲酒難微風

侵燭影疊漏過林端臘後以分朝日天明幾刻殘

宿友人山居

前人

偶向山中覓紫芝山人勾引住多時摘花浸酒春愁盡燒

竹煎茶夜卧遲泉落林稍多碎滴松生澗底足傍枝明朝

却欲歸城市問我回期自不知

夜集姚合宅期可公不至

賈島

公堂春一作秋雨夜已是念園林何事疾病日重論山水心

孤燈明臘後微雨下更深釋子垂來約泉西寒磬音

宿姚少府北齋

前人

石溪同夜泛復此北齋期烏絕吏歸後蛩鳴客卧時鎖城

京雨細開印曙鍾遲憶此漳川岸如今是別離

冬日與諸公會宿姚端公宅懷末樂殷侍御

僧無可

柱史靜開筵所思何地偏故人為縣吏五老遠峯前賓榻

寒侵曉集作樹公庭夜落泉會當隨假務一就白雲禪

多晚與諸文士會太僕田卿宅 前人

從容一作客啓華館饌玉復燒蘭是歲茲旬盡青宵幾客殘

燈迴松竹動人息斗牛寒別後思吟集須期月再圓

同劉秀才宿見贈 前人

浮雲流水深只是愛山林共恨多年別相逢一夜吟既能

持苦節勿謂少知音憶就西池宿月圓松竹深

冬夜與蔡校書宿無可上人院 劉得仁

儒釋偶同宿夜窓寒更清忘機於世久晤語恐集作到天明

月對集作到高松影風延一磬聲真門猶是幻不用覺浮生

秋日同僧宿西池 前人

菡萏編一作編秋水隔林香似焚僧同池上宿霞向月邊分

岸鷺集作峯鶴栖蒲立城砧接曙聞來宵莫他宿重此話孤雲

冬日喜同志宿 前人

相逢話清夜言實轉相知共道名雖切唯論命不疑吟身

坐霜石眠鳥握風枝別憶天台客煙霞昔有期

宿帝律集作山居 前人

未夕見招宿詩書盈集作滿草堂靜吟傾藥酒高論出名場

窓颯松篁韻庭蕪雪月光心期身未老一去泛瀟湘

秋夜喜友人宿

前人

莫話春闈事清宵且醉集作但共吟頻年遺我輩有日值公心

暝集作通天傾斗將寒葉墜林無爲簪綬意從古貴知音

迴中夜訪獨孤從事

前人

滿庭霜月魄風靜絕纖聞邊境時無事一作冠州城夜訪君

推裘聽塞角酌甌一作禮話湘雲贊佐元戎美恩齊十萬軍

宿友生林居因懷賈區

于武陵

繞屋樹森森多栖紫閣禽暫過當來夜微得話前心入楚

行應遠經湘恨必深那堪對寒燭更賦別離吟

與無可賈島宿姚少府宅

朱慶餘

更厭通宵話貧中聚會難堂虛雪氣入燈在漏聲殘役思

因成疾一作病當禪豈覺寒開門各有事誰不惜餘歡

雪夜與真上人宿韓協律宅

前人

斜雪微霑砌空堂夜語清逆風孤漏短迴燭向樓明盥漱

隨禪伴謳吟得野情此歡那敢忘世貴丈夫名

宿陳處士書齋

前人

結茅當此地下馬見高情菰菜高塘淺集作曉杉光小徑集

作白明向燈集作陰石新茗色隔雪遠鍾聲閑得相逢少吟多

寢不成

同朱慶餘宿僧房

周賀

溪僧還共謁相與坐寒天屋雪凌高燭山茶稱遠泉夜清

集作更徹寺空闊，鴈衝煙莫惜。多時坐集作重來又隔年。

宿李樞書齋

前人

書齋經暮雨，四面絕纖埃。眠客聞風覺，飛蟲入燭來。夜涼書讀遍，月正戶開全。住遠稀相見，晉連宿始迴。

秋宿徐處士宅懷少室

前人

曾居少室黃河上，秋夢長懸未得迴。扶病半年離水石，思歸一夜隔風雷。空齋幾遇僧眠後，野菊曾經鹿踐來。燈下此心君共說，倚松孤徑已生苔。

同賈島宿無可上人院

雍陶

何處銷愁宿，携囊就遠僧。中宵吟有雪，空屋語無燈。靜鏡唯聞鐸，寒牀但枕肱。還因愛閑客，始得見南能。

雪夜與友人同宿時寄近隣

已見一百五十二卷

温庭

宿秦生山齋

前人

衡巫路不同，結室在東峯。歲晚得支遁，夜寒逢戴顓。龕燈落葉寺，山雪隔林鍾。行解一作行李無由發，曹溪欲施春。

此詩三百十七卷重出，今已削去。

宿何書記先輩延福新居

趙嘏

松下有琴閑未收，一燈高為石集作叢。留詩情似到山家，夜樹色輕含御水。秋小榼提携終集作未日半班集作容。

鬢漫生愁因君撫掌問，時俗紫閣堆簷不舉頭。

李侍御歸山同宿華嚴寺

前人

家有青山近玉京，風流柱史早知名。園林手植自含綠，霄

漢眼看當去程處處白雲迷駐馬家家紅樹近流鶯相逢

一宿最高寺夜夜翠微泉一作落聲

集宿姚殿中宅期僧無可不至 馬戴

殿中日一作殿內臣相命開樽話舊時餘鐘催鳥絕積雪阻僧

期林靜寒光一作聲遠天陰曙色遲今宵復何夕人謁去難

追集作鳴珮出難隨

此詩二百二十三卷重出今已削去注異同為一作

宿賈島原居集作尋賈島原東居 前人

塞鴈過原急渚邊秋色深煙霞向海島風雨宿園林俱佳

明時願同懷故國心集作共許貧交久猶無外事侵未能先隱跡聊集作

此一相尋

新秋霽後宿王處士居 前人

夕陽逢一雨夜木洗清陰露氣竹窓靜秋光月色深煎茶

靈草味話友故山心得意兩不寐微風吟玉琴

洛陽寒夜姚侍御宅宿憶賈島 前人

夜來寒色動集作夜桐動寒色洛陽城闕深如何異鄉思更抱故

人心微月嵩山遠閑堦霜霰集作侵誰知石門橋集作路待

子與相尋

宿崔邵池陽別墅 前人

楊柳色已故郊原日復低煙生寒樹上霞散遠山西待月

人相對驚風鴈不齊此心君莫問舊國去將迷

答卿坊集作寺友人同宿見示 前人

爲客自堪悲風塵日滿衣承明無計入舊隱但懷歸雪積
孤城暗燈殘曉角微相逢喜同宿此地故人稀

秋夜宿秘書姚監宅

李頻

高樹密濛濛開樓待遠風

集作桂宅多佳木先來有好風

情閑眠闕下夢

野到山中露色浮寒瓦螢光墜暗叢聽吟麗句盡河漢轉
虛空

隱巖陪鄭少師夜坐

張橋

幸喜陪騶馭頻來向此宵硯磨青澗石厨爨白雲樵竹外
村煙細燈中禁漏遙衣冠與文理靜話對前朝

宿劉溫書齋

不掩盈牖月天然格調高宿心風移蟋蟀落葉在離騷迴筆

挑燈燼懸園見海濤因論三國志空載幾英豪

文苑英華卷第二百十八

詩六十八

人事五

逢遇六十八首

江上暫別蕭四劉三旋欣接遇 陳子昂

昨夜滄江別言乘

集作垂

天漢遊寧期此相遇尚接武陵州

結綬還逢育銜盃且對劉波潭一瀾瀾臨望幾悠悠山水

丹青雜煙雲紫翠浮終愧神仙友來接野人舟

遇荊州崔兵曹使

前人

輜軒鳳凰使林藪鷓鴣冠江湖一相許雲霧坐交歡興盡

崔亭伯言忘釋道安秋光稍欲暮歲物已將闌古樹蒼煙

斷虛庭白露寒琴中

集作瑤琴

山水曲今日為君彈

遇崔司議泰之冀侍御珪二使 前人

謝病南山下幽卧不知春使星入東井云是故交親惠風
吹寶瑟微月憶清真憑軒一畱醉江海寄情人

除夜樂城逢孟浩然 張子容

遠客襄陽郡來過海伴家樽開栢葉酒燈發九枝花妙曲
逢盧女高才得孟嘉東山行樂意非是競繁華

鄭果州相過 王維

斜集作日照殘春初時集作草木新床前磨鏡客樹下集
裏灌園人五馬驚窮巷雙童逐老身厨中集作辦瓮飯常

恐集作阮家貧

若耶溪逢孔九此詩已見一百六十六卷 綦母潛

旅次丹陽郡遇康侍御宣慰召募兼別岑單父

劉長卿

客心募一作千里迴首煙花繁楚水度集作歸夢春江集

春連故園羈人懷上國驕虜窺中原胡馬蹙為害漢臣多

負恩羽書晝夜飛海集作內風塵昏雙鬢日已白孤舟心

可論繡衣從北來汗馬宣王言憂憤激忠勇悲歡被黎元

南徐爭赴難發卒如雲屯倚劔看太白洗兵臨海門故人

亦滄洲少別堪傷魂積翠下京口歸潮落山根如何天外

帆入此波上樽空使憶君處鸞聲催淚痕

湖上遇鄭田 前人

故人青雲器何意常窘迫五十猶布衣憐君已頭白誰言

此相見暫得話疇昔舊業今已無還鄉反爲客扁舟君獨
往桂集作酒君自適滄海不可涯孤帆去無跡盃中忽復
醉湖上生新魄湛湛江色寒濛濛水雲夕風波易迢遞千
里如咫尺迴首人已遙南看楚天曠

穆陵關北逢人歸漁陽

前人

逢君穆陵路匹馬向桑乾楚國蒼山古幽州白日寒城池
百戰後耆舊幾人家集作殘處處蓬蒿遍野集作人掩淚看

宋中遇陳兼

高適

常忝集作鮑叔義所寄王佐才如何守苦節獨自集作無

良媒離別十年外飄蓬千里來安能集作罷官後惟見柴

門開窮巷隱東郭高堂詠南陔籬根長花草井口生集作

蘇昔伊昔均至霄漢于今倦蒿萊男兒須集作達命且醉

中盃

宋中遇劉書記

前人

何代無秀士高門生此才森然覩毫髮若見江山來幾載
困常調一朝時運催白身謁明主待詔登雲臺相逢梁宋
間與我醉蒿萊寒楚眇千里雪天閉集作不開末路終離
別不能強悲哀男兒爭富貴勸爾莫遲迴

平臺夜遇李景叅有別

前人

離憂忽浩集作然策馬對秋天孟諸薄暮涼風起歸客

相逢渡睢水憶昨集作携手已集作十年明集作日分途

各千里歲物蕭條滿路岐此行浩蕩令人悲家貧羨爾有

微祿欲徃從之何所之

此詩二百八十七卷重出今已削去

逢謝偃

前人

紅顏創為別白髮始相逢唯餘昔時慮無復昔時容

長安逢故人

郎士元

數年音信斷不意在長安馬上相逢久人中欲認難一官
今懶道雙鬢竟羞看莫問生涯事只應持釣竿

逢莊納因贈

皇甫冉

世故還相見天涯共向東春歸江海上人老別離中郡吏
名何晚沙鷗道自同甘泉須早獻且莫嘆天飄蓬

渭上逢李藏器移家市下郡

耿緯

家名須有援學稼又無田故國三千里新

集作深宮五十年

移家還作客避地莫知賢東路今何處風帆去渺然

此詩又見二百七十五卷有數字不同

巴陵郭逢洛陽故人

前人

因君知世事流浪已忘機久客多人厭高年衆病歸連雲
湖色遠度雪鴈聲稀又說家林盡淒傷淚滿衣

春色遇李侍郎

盧綸

高柳滿春城東園有鳥聲折花朝露滴漱石野泉清心許
陶家醉詩逢謝客呈應憐未行吏曾是魯諸生

關口逢徐遇

前人

廢寺連荒壘那知見子真關城夜有雪冰渡曉無人酒裏

唯多集作移病山中願作隣嘗聞兄弟樂唯見謝家貧

逢楊開府

韋應物

少事武皇帝無賴恃恩私身作里中橫家藏亡命兒朝耕

集作特又作折樛蒲局暮竊東隣姬司隸不敢捕立在集作登白玉

墀驪山風雨集作雪夜長楊羽獵時一字都未集作不識飲酒

肆頑癡武皇昇仙去憔悴被人欺讀書事已晚把筆學題

詩兩府始收籍南宮謬見推非才果不容出守撫惇嫠忽

逢楊開府論晉涕俱垂座客何由識唯有故人知

廣陵遇孟雲卿作

前人

雄藩本帝都遊遊士多俊賢夾河樹鬱鬱華館千里連親集作

新知雖滿堂中意頗未宣忽逢翰林友歡樂斗酒前高文

濼類波四海靡不傳西施且一笑衆女安得妍明月滿淮

海哀鴻遊集作逝長天所念京國遠我來君又旋

長安遇馮著作

前人

客從東方來衣上灞陵雨問客何謂集作爲來采山因買斧

冥冥花正開颺颺鶯新乳昨別今已春鬢絲生幾縷

漢南遇方評事

詩選作襄州遇房評事由

戴叔倫

移家住漢陰不復問一作向華簪貫酒宜城近燒田夢澤深

暮山逢鳥入寒水見魚沉與物皆無累終年愜本心

京口逢皇甫司馬副端

前人

潮水忽復至雲帆儼欲飛故園雙闕下佐官十年歸晚景

照華髮一作日涼風吹別衣淹留更一醉老去莫相違

文苑英華 卷一百一十五

五

嚴福

汝南逢董校書

前人

擾擾倦行役相逢陳蔡間集作何為百年內不見一人閑

對酒惜餘景問程愁亂山秋風萬里至集作道又度集作出穆

陵關

此詩二百八十七卷重出今已削去

逢友生言懷集作別

前人

安親非避地羈旅十餘年道長時流許家貧故舊憐相逢
今歲暮遠別一方偏去住俱難說江湖正渺然

逢許評事

前人

萬里楊柳色出關逢故人輕煙拂流水落日照行塵積夢
江海濶憶家兄弟貧徘徊灞亭上不語共傷春

嶺上逢久別者又別

權德輿

十年曾一別征旆集作路此相逢馬首向何處夕陽千萬峯

逢友人之上都

釋法震

玉帛徵賢楚客稀猿啼相送武陵歸潮頭望入桃花去一
片春帆帶雨飛

逢江客問南中故人因以詩寄司空曙

南客何時去相逢問故人望鄉空淚落嗜酒轉家貧踈懶
辭微祿東西任老身上樓多看月臨水共傷春五柳終期
隱雙鷗自可親應憐折腰吏冉冉在風塵

冬日逢馮法曹話懷

冷朝陽

分襟二年内多少事相干禮樂風全變塵埃路漸難秋林

新葉落霜月蒲庭寒雖喜逢知己他鄉歲又闌

中峯歸喜見苗發集作雲齊中峯寺已見一百六十五卷

李端

江上逢司空曙

前人

共有髫年故相逢萬里餘新春兩行淚舊國一封書夏口

帆初泊衡陽鴈正踈唯應執盃酒暫食漢江魚

京西遇舊職集作識兼送往隴州 姚係

蟬鳴一何急日暮秋風樹即此不勝愁隴陰人更去相逢

與相失共是亡羊路

徵還京師見舊番官馮叔達 劉禹錫

前者忽忽襍被行十年憔悴到京城南宮舊吏來相問何

處淹留白髮生

嶺表集作外逢故人 張籍

過嶺萬餘里旅遊經此稀相逢去家遠共說幾時歸海上

見花發瘴中無鴈飛炎塗集作州望行集作鄉伴相集作自識北

人衣

途中逢陽陟已見一百六十八卷 于鵠

逢張十八員外籍 白居易

旅思正茫茫相逢此路傍晚風林葉暗秋露草花香白髮

江城守青山水部郎客亭問集作同宿處忽似夜歸鄉

逢舊 前人

久別偶相逢俱疑是夢中即今歡樂事放盞又成空

逢傳陵故人彭兵曹 賈島

曲陽分散會京華見說三年住海涯別後解餐蓬藁子向
前未識牡丹花偶逢日者教求祿終傍泉聲擬致家踏雪
携琴集作余相就宿夜深開戶月光集作斜

逢呂上山人

劉得仁

塵裏正愁老相逢眼益明從前枉多病此後解踈名古栢
今收子深山許事兄長生如有分願逐到蓬瀛

夜行次東關

一作行次潼關驛

逢魏扶東歸許渾

南北斷蓬飄長亭酒一瓢殘雲歸太華踈雨過中條樹色
隨關迥河聲入塞一作海遙勞歌此分首一作手風急馬蕭蕭

此詩二百九十八卷重出今已削去異同註為一作

廣陵道逢方干

周賀

野客行無定全家在渭東寄懷

一作

僧閣迥贈別崇金空

舊業千山隔歸舟百計同藥資如有分相約老丘中

逢僧

前人

帶疾稀相見西城早晚來山房

一作衣

風壞衲香罐雨露灰

坐久鍾聲靜談餘嶽影迴却思同宿夜高枕話天台

泗上逢韓司徒歸北

前人

多病十年無舊識滄州亂後只逢君已知罷秩辭龍水相
勸移家住嶽雲泗上旅帆侵疊浪雪中歸路踏荒墳更為
此別愁應老書札何由到北軍

秦中逢王處士

趙嘏

萬水東流去不迴先生獨自負仙才藥宮橫浪海邊別鶴

文苑英華 卷一百一十八
翅駐雲天上來幾處吹簫森羽衛誰家殘月下樓臺春風
正好分瓊液乞取當時白玉杯

江上逢許逸人

前人

是非處處生塵埃唯君襟抱無嫌猜收帆依鴈溢浦宿帶
雨別僧衡嶽迴芳罇稍駐落日唱醉袖更拂長雲開清秋
華髮好相似却把釣竿歸去來

落第後歸喜逢僧再陽

項斯

相逢雖強笑人世別離頻曉去長侵月歸鄉動隔春見僧
心暫靜從俗事多屯宇宙詩名小山河客路新翠桐猶入
爨青鏡未辭塵逸足常思驥隨羣自退鱗宴乖紅杏寺愁
在綠楊津老病難爲樂開眉賴故人

岐陽逢曲陽故人話舊

馬戴

異地還相見平生分可知壯年但欲暮往事盡堪悲道路
頻艱阻親朋久別離解兵逃白刃謁帝值明時淹疾生涯
故因官世業移鷄鳴關月落鴈度朔風吹客淚翻岐下鄉
心落海湄積愁何計遣蒲酌浣相思

汧上款舊友

前人

斗酒故人同長歌起北風斜陽一作日斜高壘閉秋角暮山空
鴈宿寒流上螢飛淡霧中坐來憂白髮况復久從戎

邊館逢賀秀才

前人

貧病無踈我與君不知何事久離羣鹿裘共敝同爲客龍
闕將移擬獻文空館夕陽鷓繞樹荒城寒色鴈和雲不堪

吟斷邊笳曉葉落東西客又分

蜀中逢故人

李頻

自古有行役無人免別家相寬須陌上一醉任天涯積疊山藏蜀縈紆水遶巴他年又何處共說海棠花

漢上逢崔八同年

前人

去歲同遊帝里春杏花過後各離秦偶先託質從知已獨未還家作旅人世上路岐何繚繞空中光景不逡巡一迴相見一迴別更得幾迴一作年少身多

商於逢友人

喻坦之

行役何時了年年骨肉分春風來漢棹雪路入商雲水險溪難定林寒鳥異羣相逢聊坐石啼狖語中聞

灞上逢故人

前人

花落杏園枝驅車問路岐人情誰可會身事自堪疑嶽雨狂雷送溪槎漲水吹家山如此景幾處憶相隨

金陵逢張喬

楊夔

殊鄉會面時辛苦兩情知有志年空過無媒命共奇吟餘春漏急語舊酒巡遲天爵如堪倚休驚鬢上絲

江上逢進士許棠

張喬

詩人誰上第新榜又無君鶴髮他鄉老漁歌故國聞平江流曉月獨島絆餘雲且了髫年志沙鷗未可羣

逢漳州崔使君北歸

張蠙

在羣多殊稱無人不望回離城携客去度一作嶺擔後來

障寫經冬藥瓶緘落暑梅長安有歸宅歸見鎖青苔

雲朔逢山友

前人

會面却生疑明然似夢歸塞深行客少家遠識人稀戰馬
分旗牧驚禽曳箭飛將軍雖異禮難便一作使脫麻衣

途中逢孫路因得李頻消息

方干

灞上寒仍在柔條亦自新山河雖度臘雨雪未知春正憶

同袍者堪逢共國人銜盃亦一作益

一作無語與爾轉相親

江上逢故人

陳陶

十年蓬轉金陵道長笑青雲身不早故里相逢盡白頭青

江顏色何曾老

河上逢友人

羅鄴

知君意不淺立馬問生涯舊業無歸地他鄉便是家宵吟

憐桂鬼朝起怯菱花語盡黃河上西風日又斜

吳門再逢方干處士

前人

天上高名一作才

世上身垂綸何不駕蒲輪一朝卿相俱前

席千古篇章冠後人稽嶺不歸空挂夢吳一作鷺

宮相值欲

沾巾吾王若致昇平化可獨成周只渭濱

大梁見喬詡

羅隱

湘水春浮岸淮燈夜蒲橋六年悲梗斷兩地各萍漂刀筆

依三事篇章奏弭貂跡卑甘汨沒名散稱逍遙好寺松為

徑空江桂作撓野香花伴落缸暖酒和燒晉沼尋遊鳳秦

冠竟歎鴉骨凡鷄犬薄鬼斷蕙蘭招悵望添燕瑄蹉跎歇

魯瓢敗桐方委爨冤匣正衝宵戰代疑作安釐國封崇孝

景朝千年非有限一醉解無聊漏永燈花暗爐紅雪片銷

久遊家共遠相對鬢俱凋運命從難合光陰柰不饒到頭

簑笠契雨信釣魚潮

鍾陵見進士揚尋

前人

孺亭滕閣少踟躕三度南遊一事無只覺流年如鳥逝不

知何處有龍屠雲歸洪井枝柯斂水下章江氣色塵穢賴得

與君同此醉醒來一作愁被鬼柳榆

湘中見進士喬詡

前人

吳公臺下別經秋破處傷城邊暫駐留一笑有時堪解夢數

年無故不同遊雲牽楚思橫魚艇柳送鄉心入酒樓且酌

松醪依舊醉誰能相見向春愁

錢塘見芮逢

前人

蔡倫池北鴈峯前離集作亂相兼十九年所喜故人猶會

面不堪良牧已重泉醉思把筇敲集作歌席狂憶判身入

酒船今日與君贏得在戴家灣裏兩瞢然

見王貞白

裴說

共賀登科後明宣入紫宸又看重試榜還見苦吟人此得

名渾別歸來話亦新分明一枝桂堪動楚江濱

文苑英華卷第二百十八

文苑英華卷第二百十九

詩六十九

釋門一首 五十

何遜一首

劉孝先一首

蕭子雲一首

孔德紹一首

武三思一首

蘇味道一首

宋之問三首

王維二首

遜逃一首

孟浩然二首

杜甫一首

李白二首

王昌齡二首

劉長卿九首

張謂二首

岑參三首

李嘉祐二首

錢起四首

皇甫曾七首

皇甫冉一首

張南史三首

富陽浦口和朗上人

梁何遜

客心愁日暮徙倚空望歸山煙斂樹色江水映霞輝獨鶴

凌空集作煙逝雙鳥出浪飛故鄉千餘里茲夕寒無衣

草堂寺尋無名法師

梁劉孝先

飛鏡點青天古詩曰破鏡飛上天橫照滿樓前深一作空林生夜冷複

閣上霄煙葉動花中露湍鳴閣疑作谷裏泉竹風聲若雨山

蟲聽似蟬摘果仍荷藉酌水用花傳一作盃聊自飲萬

事且蕭然

贈海法師還甌山

梁蕭子雲

心好丘壑偏悅幽棲人忽聞甌山旅一作嵩里自相親

沉寥晚霖霽重疊晴雲新秋至蟬鳴柳風高路起塵動余

憶山思惆悵惜荷巾

送舍利宿定晉巖

隋孔德紹

仁祠表虛曠祗園展肅恭棲息翠微嶺登頓白雲峯映流

看夜月臨風聽曉鍾澗芳千步草崖陰百丈松蕭然遙路

絕無復市朝蹤

秋日於天中寺尋復禮上人

唐武三思

妙域三時殿香巖七淨一作寶宮金繩先界道玉柄即談空

喻棧知何極傳燈竟不窮彌天高義遠初地勝因通理詣

歸一颯心行不二中有無雙惑遣真倍兩緣同摘葉疑焚

翠投花若散一作棄紅網珠遙映日簷鐸近吟風定沼寒光

素禪枝暝色葱頽隨方便力長冀釋塵籠

和武三思於中天寺尋復禮上人之作 蘇味道

藩戚三雍暇禪居二室隈忽聞從桂苑移步踐花臺敏學

推多藝高談屬辨才是非寧帶着空有掠嫌猜五術幽機

暢三番妙鍵開味同甘露洒香似朔風來砌古留方石池

清辨燒灰人尋鶴州返月逐虎溪迴一作企連躅瞻飛蓋攀

游想玉一作渡杯願陪為善樂從此去塵埃

自衡陽至韶州謁能禪師 宋之問

適居窺集作窺炎壑孤帆森不繫別家萬里餘流目三春際

猿啼一作鳴山館曉虹飲江皞霽湘崖竹泉幽行峯石困集作

閑嶺嶂窮攀越風濤極沿濟吾師在韶陽欣此得躬讀

洗慮賓空寂焚香結精集作清誓願以有漏軀聿薰無生惠

物用益冲曠心源日閑細伊我獲此途游道悔晚計宗師

信捨法擯落文史藝坐禪羅浮中尋異窮集作南海裔何辭

禦魑魅自可乘炎癘迴首望舊鄉雲林浩虧蔽不作別離

苦歸期多年歲

見南山夕陽召鑒師不至 前人

夕陽黯晴碧集作暮山翠互明滅此中意無限要與開士說

徒鬱仲舉思誰集作誰迴道林轍孤興欲待誰集作誰待此湖

上月

浣紗篇贈陸上人 前人

越女顏如花越王聞浣紗國微不自寵獻作吳宮娃女藪
半潛匿亭蘿更蒙遮一行霸勾踐再顧傾夫差艷色奪常
人效頰亦相誇一朝還舊都靚粧尋若耶鳥驚入松網魚
畏沉荷花始覺冶容妄方悟群心邪欽子秉幽意世人共
稱嗟願言托君懷黨類蓬生麻家住雷門曲高閣凌飛霞
淋漓翠羽帳旖旎綵雲車春風艷楚舞秋月綿一作胡笳
自昔專嬌愛襲玩唯矜奢達本知空寂棄彼猶泥沙未割
偏執性自長薰脩牙携妾不障道來止妾西家

夏日過青龍寺謁操禪師

王維

龍鍾一老翁徐步謁禪宮欲問義心義遙知空病空山河
天眼裏世界法身中莫恠銷炎熱能生大地風

飯覆金山僧

前人

晚知清淨

一作靜

理日與人群踈將候遠山僧先期掃弊廡

果從雲峯裏顧我蓬蒿居藉草飯松屑焚香看道書燃燈
晝欲盡鳴磬夜方初一悟寂為樂此生閑有餘思歸何必
深身世猶空虛

送新羅法師還國

孫逖

異域今無外高僧代

集作世

所稀苦心歸

集作窮

寂滅宴坐得

精微持鉢何年至傳燈是日歸上卿揮別操

一作藻

中禁下

禪衣海闊杯還度雲遙錫更飛此行迷處所何以慰虔祈

秦中感秋寄遠上人

孟浩然

一丘常欲卧三徑苦無資北山

一作上

非吾願東林懷我師

黃金燃桂盡壯志逐年衰旦一作日夕涼風至聞蟬但益悲

尋香山湛上人

前人

朝遊訪名山山遠若一作若空翠氣氤亘百里日入行始

至谷口聞鍾聲林端識香氣杖策尋故人解鞍暫停騎石

門殊豁險篁逕一作道轉森邃法侶欣相逢清談曉不寐平

生慕真隱累日探靈異野老朝入田集作雲山僧慕歸寺松

泉多清集作逸響苔壁饒古意願言投此山身世未集作兩相

棄

別贊上人

杜甫

百川日東流客去亦不息我生苦漂蕩何時有終極贊公

釋門老放逐來上國還為世塵嬰頗帶憔悴色楊枝晨在

手且子雨已熟是身如浮雲安可限南北異縣逢舊交集作

友初忻為曾臆天長關塞遠集作寒歲暮饑寒集作凍逼野風

吹征衣欲別向曛黑馬鳴集作嘶思故櫪歸鳥盡歛翼古來

聚散地宿昔長荆棘相看俱衰年出處各努力

答姪僧中孚贈玉泉仙人掌茶 李白

常聞玉泉山山洞多乳窟仙鼠如白鶴倒懸深溪月茗生

此中石玉泉流不歇根柯灑芳津採服潤肌骨楚老卷綠

葉枝枝相接連曝成仙人掌似拍洪崖肩舉世未見之其

名定誰傳宗英乃禪客集作伯投僧有佳篇清鏡燭無鹽顧

慙西子妍朝坐有餘興長吟播諸天

別東林寺山僧

前人

東林送客處月出白猿啼笑別廬山遠何煩過虎溪

送果林蔗上人歸廬山

王昌齡

石溪流已亂苔徑人漸微日暮東林下山僧還獨歸昔為廬峯意况與遠公違道性深寂寞世情多是非會尋名山去豈復望清輝

遇薛明府謁聰上人

前人

欣逢柏梁故共謁聰公禪石室無人到繩床見虎眠陰崖常抱雪枯澗為生泉出處雖云異同歡在法筵

送少微上人遊天台

劉長卿

石橋人不到獨往更迢迢乞食山家少尋鍾野寺遙松門風自掃瀑布雪難銷秋夜聞清梵餘音逐海潮

送靈澈上人歸嵩陽蘭巖

前人

南地隨緣久東林幾歲空暮山門獨掩青集作春草路難通作梵連松韻焚香入桂叢唯將舊瓶鉢却寄白雲中

送道標上人歸南嶽

前人

悠悠集作然倚孤棹却憶卧中林江草行將集作將歸遠湘山獨往深白雲留不住綠水去無心衡嶽千峯亂禪房何處尋

送勤照和尚往睢陽赴太守請

前人

燃燈傳七祖杖錫為諸侯來去集作去住雲無意東西水自流青山春滿目白月夜隨舟知到梁園下蒼生賴集作眷此遊

初夜集作至碧澗招明契上人

前人

漸老知身累初寒曝背眠白雲留未日黃葉減餘年猿護

窓前樹泉澆谷口田沃州能共隱不用道林錢

秋夜肅公房喜普門上人自陽羨山至 前人

山棲久不見林下偶同遊早晚來香積何人住沃洲寒禽
驚後夜古木帶高秋却入千峯去孤雲不可留

禪智寺上方懷演和尚寺即和尚所創 前人

絕巘東林寺高僧惠遠公買園隋苑下持集作捧鉢楚城中

斗極千燈近煙波萬井通遠山低月殿寒木露花宮緝宇

燒香靜滄洲罷集作擺霧空鴈來秋色裏曙起早潮東飛錫

今何在蒼生待發蒙白雲飛送客黃集作庭葉自辭風捨筏

追開士迴舟狎釣翁平生江海意唯共白鷗同

送靈澈上人還越中 前人

禪客無心杖錫還沃洲深處草堂閑身隨弊履集作履經殘

雪手綻寒衣入舊山獨向清溪依樹下空留白月在人間

那堪別後集作夜長相憶雲木蒼蒼但閉關

送惠法師遊天台因懷知太師故居 前人

翠屏瀑布集作水知何在鳥道猿啼過幾重落日獨搖金策

去深山誰向石橋逢定攀巖下集作上叢生桂欲買雲中若

箇峯憶想東林禪誦處寂寥唯聽舊時鍾

送僧 張謂

童子學脩道誦經求出家手持貝多葉心念優曇花得度

一作處北洲近隨緣東路賒一身求清靜百毳納袈裟鍾嶺

更飛錫爐峯期結跏深心大海水廣願度恒沙此去不堪

別彼行安可涯慙勤結香火來世上牛車

送青龍一公

前人

事佛輕金印勤王度玉關不知從樹下還肯到人間楚水青蓮淨吳門白日閑聖朝須助理絕莫愛東山

偃歸東與韓樽同詣暉上人即事 岑參

山陰老僧解楞伽穎陽歸客遠相過煙深草濕昨夜雨雨後秋風渡漕河空山終日塵事少出

一作平

郊遠見人行緲

一作尚書磧上黃昏鍾別駕渡頭一歸鳥

寄青城龍溪鳥道人

前人

五嶽之丈人西望青憫憫雲開露崖嶠百里見石稜龍溪盤中峯上有蓮花僧絕頂少蘭若四時嵐翠凝身同雲虛

心與溪清澄誦戒龍每聽賦詩人則稱衫風冷袈裟石

磴懸孤燈又欲謝微祿誓將歸大乘願聞開士說庶以心

相應

晚過盤石寺禮鄭和尚

前人

暫詣高僧話來尋野寺孤岸花藏水碓溪竹映風鑪頂上巢新鵲衣中帶舊珠談禪未得去輟棹且踟躕

送弘志上人歸湖州

李嘉祐

山林唯好靜行住不妨禪高月穿松徑殘陽過水泉一作田詩從宿世悟法為本師傳能使南人敬脩持香火緣

同皇甫冉赴官留別靈一上人 前人

法許廬山遠詩傳休上人獨歸雙樹宿靜與百花親對酒

集作 須留與觀空已悟身能令折腰客遙賞竹房春

山齋獨坐喜玄上人見訪

二字一作至

錢起

舍下虎溪逕煙霞入暝開柴門蕪竹靜山月與僧來心瑩
紅蓮水言忘綠茗杯前峯曙更好集作早斜漢欲西迴

靜夜酬通上人問疾

前人

東林生早涼高枕遠公房大士看心後中宵滴漏長驚蟬
出暗柳微月映迴廊何事沉痾久含毫問藥王

送僧歸日本

前人

上國隨緣去

集作東來

途若夢行浮天滄海遠去世法

舟輕水月通禪觀魚龍聽梵聲唯憐塔燈影萬里眼中明

送外孫

一作從孫

懷素師還鄉觀省

素善草書此詩見二百八十四卷

贈鑒上人

皇甫曾

律儀傳教誘僧臘老煙宵樹色依禪誦泉聲入寂寥寶龕
經未劫盡壁見南朝深竹風開合寒潭月動搖息心歸靜
理愛道坐中宵更欲尋真去乘船過海潮

西陵寄一公

前人

西陵遇風雨

集作過風處

自古是通津終日空江上雲山若待

入汀洲寒事早魚鳥興情新西望稽山路吾心有所親

題贈雲門邕

一作邕上人

此詩見二百三十五卷

秋夕寄懷契上人

前人

已見槿花朝委露獨悲憔悴在人群直僧出世心無事靜
夜名香手自焚窓臨絕澗聞流水客至孤峯掃白雲更想

又苑英華 卷九
九
清晨誦經處獨看松上雨紛紛

送着公歸越

前人

誰能愁此別到越會相逢長憶雲門寺門前千萬峯石床
埋積雪山路倒枯松莫學白衣士無人知去蹤

送普門上人還陽羨

前人

花宮雖集作難久別道者憶千燈殘雪入林路暮山歸寺僧
日光依嫩草泉響滴春冰何用求方便看心是一乘

同杜相公對山僧

前人

吏散重門掩僧來閣復閑遠心馳北闕春興寄東山草長
風光裏鸞啼靜默間芳晨不可駐惆悵暮禽還

送延陵法師往上都

皇甫冉

延陵初罷講建業去隨緣翻譯推多學壇場最少年浣衣
隨野水乞食向人煙遍禮南峯頂焚香古像前

西陵懷靈一上人兼寄朱放

張南史

淮海風濤起江關憂思長同悲鵲遶樹獨坐鴈隨陽山晚
雲藏一作和雪汀寒月照霜由來濯纓處漁父愛滄浪

寄靜虛上人雲門

前人

寒日白雲裏法侶自提携竹徑通城下松門隔水西方同
沃州去不自武陵迷髮鬢心疑處一作知處高峯是會稽

秋夜聞鴈寄南十五兼呈空和尚

前人

晚節聞君道趣深結茅栽樹近東林一作師幾度曾摩
頂高士何年更發心北渚三更聞過鴈西城萬木動寒砧

不見支公與玄度相思擁膝坐長吟

文苑英華卷第二百十九

文苑英華卷第二百二十

詩七十

釋門二

六十五首

即仕元三首

顧况三首

耿緯三首

司空曙七首

冷朝陽二首

李益一首

李端三首

盧綸六首

常應物四首

嚴維四首

崔峒二首

釋清江三首

釋法照二首

釋護國一首

釋靈一五首

釋皎然十五首

釋靈澈一首

送大德講時河東徐明府招 即仕元

遠近作一作人天王城指日邊宰君迎說法童子伴隨緣
到處花為雨行時杖出泉今宵松月下開閣想安禪

赴無錫別靈一上人 前人

高僧本性疑作竹開士舊名林一入春山裏千峯不可尋
新年芳草徧終日白雲深欲徇微官去懸知訝此心

送粲上人燕寄梁鎮員外 前人

季月還鄉獨未能林行溪宿厭層冰尺素欲傳三署客雪
仙愁送五天僧連空朔氣橫秦苑蒲目寒雲隔灞陵借問
從來香積寺何時携手更同登

寄江南鶴林寺石冰上人 顧况

山川重複出集作山山心地暗相逢忽憶秋江月如聞古
寺鍾湖平南北岸雲抱兩三峯定力超香象真言攝毒龍
風中何處鶴石上幾年松為報烟霞道人間共不容

酬陽州白塔寺水上人 前人

塔上是何緣香燈續細煙松枝當麈尾柳絮替蠶綿浮草
經行徧空花義趣圓我來雖為法暫借一床眠

歸陽蕭寺有丁行者能脩無生忍擔水施僧况歸

命稽首作詩 前人

化佛示持帚仲尼稱執鞭列生御風歸飼豕如人焉曹溪
第六祖踏碓逾三年伊人自何方長綬趨遙泉開士行何
苦双瓶胠兩肩蕭寺百餘僧東厨正揚煙露足沙石裂外

形巾褐穿若其有此身豈得安穩眠獨出違順境不為寒暑還大聖於其空一作中領我心之虔萬法常空滅無生因

忍全一國一釋迦一燈分百千永願遺世知一作現身彌勒前潛容徧虛空靈響不可傳智慧舍利佛神通自乾連

阿若憍陳如迦葉迦旃一作延左右二菩薩文殊弁普賢身披六銖衣憶劫為大僊寶塔寶樓閣重簷交梵天譬如

壹明珠共贊光白圓天魔波旬等降伏金剛堅野叉羅刹鬼亦赦塵垢纏乃致金翅鳥吞龍護洪淵一十一眾中身

意皆快然八河注大海中有楞伽船佛法付國王平等無頗偏天子事端拱大臣行其權玉堂無蠅飛五月冰凜筵

盡力答明主猶自招罪愆九族無白身百花動一作婢娟神聖惡如此物華不能妍祿山一微胡驅馬來自燕宛德

宮闕麗如何犬羊羶苦哉千萬人流血成卅川此輩一作賊之死後鑊湯所熬煎業風吹其魂猛火燒其烟獨有丁行

者無憂樹枝邊市頭育老人長者乞一錢韶照多密用為君吟此篇

贈隱上人

定理集作定裏

耿緯

世間無遠近定理遍曾過東海經長在南朝事最多暮林聊化集作暮年俗初地却一作摧魔今日忘塵慮看心義若何

贈明公

前人

來自西竺國持經奉紫微年深梵語變行苦俗流歸日上安禪久苔生出院稀梁間有馴集作川鴿不去亦無機

詣順公問道

前人

此身知是妄遠遠詣支公何法注持後能逃生死中秋苔
經古徑蘊葉蒲疎叢方便如開誘南宗與北宗

寄天台秀禪師

司空曙

天台瀑布寺傳有白頭師幻跡是羸病空門無住持霜晴
看鶴去海夜與龍期未願親瓶屨澄集作呈心得問疑

寄準上人

前人

昨聞歸舊寺暫別欲經年樵客應同步隣僧定伴禪後峯
秋有雪遠澗夜鳴泉偶與支公論人間自共傳

送况上人還荊州因寄衛侍御像

前人

惠持遊蜀久策杖欲一作忽西還共別此宵月獨歸何處山

對鷗沙草畔洗足野雲間知有玄暉會齊心受八關

深上人見訪憶李端

前人

鴈稀秋色盡落日對寒山避事多癩疾留僧獨閉關心歸
塵俗外道勝有無間仍憶東林友相期久不還

閑園即事寄陳公

前人

欲就東林寄一身尚憐兒姪未成人柴門客去殘陽在藥
圃虫喧秋雨頻近水方同梅市隱曝衣多笑阮家貧深山
蘭若何時到羨與閑雲作四隣

贈岳陽隱禪師

前人

擁褐安居南陌頭白雲高寺見衡州石窓湖水搖寒月楓
樹猿聲報夜秋講席舊逢沙鳥至梵經初向竺僧求垂垂

身老將傳法因下人間逐此游

送臯法師

前人

江草知寒柳半衰行吟怨別獨遲遲何人講席投如意唯
有東林遠法師

別卽上人

冷朝陽

過雲尋釋子話別更依依靜室開來久游人到自稀觸風
香氣盡隔水磬聲微獨傍孤松立塵中多是非

送遠上人歸京

前人

夏臘歲方深思歸徹曙吟未離銷雪院已有過雲心寒磬
清函谷孤鍾宿華陰別京舊游寺月色似雙一作霜林

振上人院喜見賈弁兼酬別集作送賈校書東歸寄真上人

李益

北風南鴈

南集作吹

數聲悲又

集作况

指前林是別離

集作時

秋草

不堪頻送遠白雲何處更相期山隨足馬行看暮路入寒
城獨去遲爲向集作問東州故人道江淹已擬惠休詩

憶皎然上人

李端

未得從師去人間萬事勞雲門不可見山木已經集作應高
向日開柴戶驚秋問敝袍無集作何由宿峯頂窓裏望波濤

贈衡嶽隱禪師

前人

舊住衡州寺隨緣偶北來夜寒集作禪山雪下朝汲竹門開
半偈空皆集作傳初盡群生意未迴唯當與樵者杖錫入天台

送少微上人入蜀

前人

削髮本求道何方不是歸松風開法逕集作江月濯禪衣
飛閣後集作鳴早漫天客過稀戴顓常執筆不覺此身非

送常操上人歸江外覲省

盧綸

依佛不違親高堂與寺隣問安雙樹曉本膳一僧貧持呪
過龍廟翻經化海人還同惠休去儒者亦沾巾

送少微上人入蜀

瓶鉢遶禪衣連宵宿翠微樹開巴水遠山曉蜀星稀遍識
中朝貴多諳外學非何當一傳付道侶願知歸

送郢上人歸江南

前人

落日映危檣歸僧向岳陽注瓶寒浪靜讀律夜船香苦霧
凝山影陰霞發海光群生一何負臨病別醫王

送契玄法師赴內道場

前人見集本

昏昏醉老夫灌頂遇醍醐御呈嬪心鏡君王賜髻珠降魔
須戰否問疾敢行無深契何相秘儒宗本不殊

夜投終南豐德寺詣海上人

前人

半夜中集作山峯有磬聲偶逢樵者問山名上方日晚聞僧
語下路林疎見客行野鶴巢邊松最老獨龍潛處水偏清
願得遠公知姓字焚香洗鉢過浮生

寄西巖誓上人

前人

過雨閑樓看晚虹白雲相逐水相通寒蟬怨暮野無日古
樹傷秋天有風數穗遠煙凝隴上一枝繁果憶山中何言
暫別東林友惆悵人間事不同

寄皎然上人

常應物

吳興老釋子野雪蓋青盧詩名徒自振道心常集作長晏如

想茲棲禪夜見月東峯初鳴鍾驚巖壑焚香滿空虛一作

勿暮端成舊未識豈為踈願以碧雲思方君怨別餘茂苑

文華地流水古僧居何當一游詠倚閣集作吟躊躇

超集作起渡律同居東齋院 前人

釋子喜相偶幽林多避喧安居同僧夏清夜諷道言對閣

景恒晏步庭陰始敏集作逍遙無一事松風入南軒

簡恒瓌 前人

室虛多涼氣天高屬秋時空庭夜風雨草木曉離披簡牒

集作書日云曠文墨誰復持聊因心近集作遇澄靜一與道人期

上方僧見集本 前人

見月出東山上高處禪空林無宿火燭夜汲寒泉不下

藍溪寺今來三十年

送桃巖成上人歸本寺 巖繼

長老歸緣起桃花憶舊巖清晨雲抱石深夜月籠杉道具

門人捧齋糧谷鳥銜餘生願依止文字欲三緘

酬普選二上人期相會見寄 前人

本意宿東林因聽子賤琴遙知大小朗已斷去來心夜靜

溪聲近庭寒月色深寧知塵外意定後更成吟

相里使君宅聽惠澄上人吹小管 前人

秦僧吹竹閉秋城早在黎園稱主情今夕襄陽山太守座

中流淚聽商聲

贈別至弘上人

前人

最稱弘偃少早歲草茆居年老從僧律生知解佛書衲衣
求壤帛野飯拾春蔬章句無求斷詩中學有餘

送真上人歸山蘭若

崔峒

得道雲林下年深暫一歸出山逢世亂乞食覺人稀半偈
初傳法千峯又掩扉愛離應不染塵俗自依依

潤州送師弟自江夏往台州

前人

遠客乘流去孤帆向夜開春風江上使前日漢陽來別路
猶千里離心重一杯剡溪木未落羨爾過天台

送堅上人歸杭州天竺寺

釋清江

十年勞負笈經論化中朝流水知鄉遠和風惜別遙雲山
零夜雨花岸上春潮歸卧南天竺禪心更寂寥

送贊律師歸嵩山

前人

禪客歸山意山深定易安清貧脩道苦老友別家難雪路
尋溪轉花宮映岳看到時松塔暮松月向人寒

送婆羅門僧

前人

雪嶺金河獨向東吳山楚澤意無窮如今白首鄉心盡萬
里歸程在夢中

送清江上人

釋法照

越人僧體古清慮洗塵勞一國詩名遠多生律行高見山
援葛藟避世著方袍早晚雲門去疑應逐爾曹

送無著禪師歸新羅國

前人

萬里歸鄉路隨緣不筭程尋山百衲弊過海一杯輕夜宿
依雲色晨齋就水聲何年持具葉却到漢家城

訪雲母山僧

釋護國

森然古崖碧一作巖下淨行一高一作番僧松下慮寒水佛前挑
夜燈蓮花國土異具葉梵書能相對空王所一作境無心戀

一作問愛憎

送測寺主之京迎禪和尚

釋靈一

禪門居此地瞻望在虛空水國月未上蒼生如夢中上人
知機士瓶一作引錫慰樊籠彼土諸梵衆嗟君揚道風

送王法師之西川

前人

襟游無近遠要自別蒐銷官柳鄉愁亂春山客路遙伴行
芳草遠集作綠緣興集作隨興野花飄計日功成後還將輔聖朝

送範律師往果州

前人

終南千古後獨爾繼卿名離障非今日脩因是幾生亂峯
寒影暮深澗野流清遠客歸心苦難為此別情

送明素上歸楚觀省

前人

能將踈懶背時人不厭孤萍任此身江上昔年同出處天
涯今日共風塵平一作小湖舊隱一作應殘雪芳草歸心未

隔春前路陪憐多勝事到家知慶綵衣新

贈靈澈禪師

前人

禪師來往翠微間萬里千峯到剡山何時共到天台裏身

與浮雲處處閑

到刻到集作見

送贊上人還京

釋皎然

又游春草盡還寄北船師沙鳥窺中食江雲蒲淨衣秦原
山色近楚寺磬聲微見謝翻經館多聞似爾稀

送重鈞上人游天台

前人

漸看華頂出幽意尚集作幽賞意隨生十里行松色千重過水

聲海容雲正盡山態雪初晴事事將心證知君道可成

送清會上人游京

前人

佳游恨衰疾一笑向西風思見青門外曾臨素澹東峯明

雲際寺寺各日出露寒宮宮各行道禪長長各在看塵不染空

送關小師還金陵

前人

如何有歸思愛別欲難忘白露沙洲晚青龍水寺寒蕉

鋪淨地桂子落空壇持此心為鏡應堪月夜看

送栖上人之建州覲使君舅

前人

亂峯江上色羨爾及秋行釋氏推真子鄰家許貴甥

新雨靜帆葉好風輕海人以木葉為帆千里依元舅迴繞有遠情

送沙彌大智游五臺

前人

童年隨法侶家世本儒流章句三生學清涼萬里遊雲歸

龍沼暗木落鴈門秋長老憶相待傳予向祖州

送契上人

前人

西陵古江口遠見東陽州渌水不同泛春山應獨遊尋僧

白巖寺望月謝家樓宿昔心期在人寰非久留

送道琚上人還金陵

前人

一與鍾山別山中得信稀
經年求法後及夏問安歸
野實充其膳池花當綠衣
慈親莫返拜外禮欲無違

早秋桐廬思歸示道該上人

前人

桐江秋信早憶在故山時
靜夜風鳴磬無人行掃堦
後來觸淨水鳥下啄寒梨
何暇一作何即歸吾事關心自有期

聽素法師講法華經

前人

法子出西秦名齊七道人
纔敷藥草義便見雪山春
護講龍來遠聞經鶴下頻
應機如一雨誰不滌心塵

山歸示靈澈上人

前人

晴明路出山初煖行踏春
蕪看茗歸乍削柳枝聊代札
時

窺雲影學裁衣身閑始覺
藥名是心了方知苦行非物外
寂中誰似我松聲草色共忘機

湯評事衡水亭會覺禪師

前人

山侶相逢少清晨會水亭
雪晴松葉翠煙煖藥苗青
靜對滄洲鶴閑看古字經
應憐一作疏關子一作義共心冥

題湖上蘭若示清會上人

前人

峯心惠忍寺嶮頂謝公山
何似南湖近芳洲一畝間
意中雲木秀事外水堂閑
未日無人到時看獨鶴還

支公詩

前人

支公養馬復養鶴率性無機
多晚略天生支公與凡異
凡情不到支公地得道由來
天上僊爲僧却下人間寺
道家

諸子論自然此公惟許逍遙篇山陰詩友喧四座佳句縱橫不廢禪

白雲上人精舍尋杼山禪師無示崔子尚何山道

上人

前人

望遠涉寒水懷人在幽境爲高皎皎姿及愛蒼蒼嶺果見
栖禪子潺湲灌真頂積疑一念破澄息萬緣靜世事花上
塵惠心空中影清閑誘我性遂使煩慮屏許共林客遊欲
從山主請木栖無名樹水汲一作乃忘機并持此一日高未
肯謝箕穎夕霽山態好空月生俄頃識妙聆細泉悟深滌
清茗此心誰復得笑向西林水

冬送鑒供奉親蜀寧親

釋靈澈

林間出定戀庭闈聖主恩深雙許歸雙樹欲辭金錫冷四
花猶向玉堦飛梁山拂漢分清境蜀雪和煙惹翠微此去
不須求綵服紫衣全勝老萊衣

文苑英華卷第二百二十一

文苑英華卷第二百二十一

詩七十一

釋門三五十九首

戴叔倫三首

權德輿四首

朱放一首

于鵠三首

戎昱一首

鄭常一首

崔子向一首

劉商一首

李涉一首

王建一首

楊巨源四首

楊衡二首

韓愈一首

陳羽三首

劉禹錫一首

孟郊二首

白居易十五首

送少微上人入蜀

戴叔倫

十方俱是夢

集作知不繫

一念偶尋山望刹經巴寺持瓶向蜀

關亂猿心本定流水性長閑世俗多離別

集作恨

王城幾日

還

送道虔上人遊方

前人

律儀通外學詩思入禪

集作玄

關煙景隨緣到風姿

集作標

與

道閑貫花留靜室呪水度空山誰識浮雲意悠悠天地間

送高律師頭陀寺

前人

相傳五部學更有一人成此日靈山去

集作此夕分集去

何方半

座迎麻衣逢雪煖草履

集作疑

躡雲輕若見中林石應知第

四生

湖上晚望

集作眺

呈惠上人

權德輿

湖上煙景好鳥飛雲自還幸因居止近日覺此情閑獨酌

乍臨水清機常見山此時何所憶法

集作淨

侶話玄關

送映師歸本寺

集作本

前人

還歸柳寺去遠遠出人群苔甃桐花落山窓桂樹薰引泉

通絕澗放鶴入孤雲幸許宗雷到清談不易聞

送文暢上人東游

集作本

前人

桑門許辯才外學接宗雷護法麻衣淨翻經貝葉開宗通

知不染望想自堪哀載

一作或

結西方社師遊早晚廻

酬靈徹上人以詩代書見寄

集作時在薦福寺坐夏

蓮花出水地無塵中有南宗了義人已取貝葉翻半字還

將陽談論三身碧雲飛處詞集作詩偏麗白月圓時性本真
更喜開緘銷熱惱西方社裏舊相親

靈集作雲門寺贈靈一上人 朱放

所思勞旦集作日夕惆悵去湘湖集作湖東禪客知何在春山幾

處同獨行殘雪裏相見暮雲中請住東林寺彌集作窮年事

遠公

題蘭若僧 于鵠

一身禪誦苦灑掃古花宮靜屋門常閉以深蘿月不通懸燈
喬木上鳴磬亂幡中附入高僧傳長稔川二遠公

樹下禪僧 前人

久行多不定樹下是禪房寂寂身無住一年年日自長虫蛇

同在澗草木共經霜已見南人八說天台有上房

題北臺僧一作寺 前人

上方唯一室禪坐對金容行出坦臨孤壁持齋聽遠鍾枯藤

離舊樹朽石落危峯集作高不一回雲間一作中見唯集作還應夢

裏逢

此詩二百二十六卷重出今已削去注異同為一作

送亮法師 戎昱

達士心無滯他鄉總是家問經翻貝葉論法指蓮花欲契
真如義先開智惠牙不知飛錫後何處是恒沙

送頭陀赴廬山寺 鄭常

僧家無住着早晚出東林得道無真相頭陀是苦心持齋

山果熟倚錫野雲深溪寺誰相待香花與梵音

送惟祥律師自越歸義興

崔子向

陽羨諸峯頂何曾異剡山雨晴秋到寺木落夜開關縫衲
紗燈亮看心錫杖閑西方知社散未得與師還

送清上人往湖南

劉商

閑山東林日影斜稻苗深淺映袈裟船到南湖風浪靜可

憐秋水照蓮花

清溪山歸送僧

李涉

失意因休便買山白雲深處寄柴關若逢城邑人相問報
道花時也不閑

寄舊山僧

王建

依老宿發心初半學脩心半讀書雪夜每常同屋

集

卧花時未省兩山居獵人箭底求傷鴈釣户竿頭救活魚

一向風塵取煩惱不知衰病日難除

和權相公南園閑涉寄廣宣上人

楊巨源

浩氣抱天和閑園載酒過步因秋景曠心向晚雲多翠玉

思迴鳳玄珠肯在鵝問

一作湯

師登幾地空性柰詩何

供奉定法師歸安南

前人

故鄉南越外萬里白雲峯經論辭天去香花入海逢鷺鷥

清梵徹蜃閣化城重心到長安陌交州後夜鍾

送定師歸蜀

法師即詩僧廣宣兄弟

前人

鳳城初日照紅樓禁寺公卿識惠休詩引棣花露一雨經

分貝葉向雙流孤猿學定前山夕遠鴈傷離幾地秋空性
碧雲無處所約公會許剡溪遊

送澹公歸嵩山龍潭寺葬本師 前人

野煙秋水蒼茫疑遠禪境真機去住閑雙樹爲容思舊壑
千花成塔禮寒山洞宮曾向巖巖邊宿雲徑應從鳥外還莫
戀本師金骨地空門無處復無關

送徹公

楊衡

白首年空度幽居俗豈知敗蕉依晚日孤鶴立秋墀久客
何由造禪門不可窺會同塵外友齋沐奉威儀

同前

前人

北風吹霜霜月明荷葉枯盡越水清別來幾度龍宮宿雪

童子應相迎

廣宣上人頻日過

韓愈

三十集作百六旬長擾擾不衝風雨即塵埃又爲朝士無裨

補空媿高僧數往來學道窮年何所得吟詩竟日未能廻
天寒古寺遊人少紅葉窻前有幾堆

送遠上人

陳羽

十年勞遠別一笑喜相逢又上青山去青山千萬重

酬幽居閑上人喜及第後見贈 前人

九霄心在勞相問四十人間豈足驚風動自然雲出岫高
僧不用笑浮名

洛下贈徹公

前人

天竺沙門洛下逢請為同社笑相容支願忽望碧雲裏心
愛高山第幾峯

送元曉上人歸稽亭

劉禹錫

重疊稽亭路山僧歸獨行遠峯斜日影本寺舊鍾聲徒侶
問新事煙雲含別情應誇乞食處踏遍鳳凰城

以下三十二篇並見集本

贈別君素上人

前人

窮巷唯秋草高僧獨扣門相歡如舊識問法到無言水與
風生浪珠非塵可昏去來皆是道此別不銷冤

送深法師遊

南岳

上人本在集作住資聖寺

前人

師在白雲鄉名高

集卷

作善法堂十方傳句偈八部會壇場

飛錫無定所寶書留舊房唯應銜草鴈相送至衡陽

送如智法師遊辰州兼寄許評事

前人

前日過蕭寺看師上講筵都人禮白足施者散金錢方便
無非教經行不廢器伴遙知習居士發論待彌天

贈日本僧知白藏

前人

浮盃萬里過滄溟遍禮明山適舊荷

集作性靈

深夜降龍潭水

黑新秋放鶴野田青身無彼我那懷土心會真如不讀經
為問中華學道者幾人雄猛得寧馨

贈別約法師

前人

師逢吳興守相伴住禪扃春雨同栽樹秋風對講經廬山
曾結社桂水遠揚舲話舊還惆悵天南望柳新

送慧則法師歸上都因呈廣宣上人 前人

昨日東林看講時
都人乘馬踏瑠璃
雪山童子應前世
金粟如來是本師
一錫言歸九城路
三年曾拂萬年枝
休公久別如相問
楚客逢秋心更悲

廣宣上人寄在蜀與常令公唱和詩卷因以令公

手札答詩示之

碧雲佳句久傳芳
曾向城都住草堂
振錫常過長者宅
披文猶帶令公香
一時風景添詩思
八部天人一作天人入道場
若許相期同結社
吾家本自有柴桑

送僧元嵩南遊

前人

寶書翻譯學初成
振錫如飛白足輕
彭澤因家凡幾世
靈

山頂會是前生傳燈已一寤悟無為禮濡露猶懷罔極情

從此多逢大居士
何人不願解珠璣

送宗密上人歸河南山草堂寺因詣河南尹白待郎

前人

宿習脩來得慧根
多聞第一却忘言
自從七祖傳新印
不要三乘入便門
東泛涇江尋古跡
西歸紫閣出塵喧
河南白尹大檀越好
把真經相對翻

送義舟師却還黔南

前人

黔江秋水清雲寬
獨泛慈航路不迷
後徧窺齋林葉動
蛟龍聞呪浪花低
如蓮半偈心常悟
閔集作問非菊新詩手自携
常說摩圍集作國非似靈鷲
却將山屐上丹梯

送鴻舉遊江南

前人

禪客學禪兼學文出山初似無心雲從風卷舒來何處縹
繞巴江不得去山州古寺好閑居讀盡龍王宮裏書使君
灘頭揀石硯白帝城邊尋野蔬忽然登高心瞥起又欲浮
盃信流水煙波浩淼魚鳥情東去三千三百里荆門硤斷
無盤渦湘平漢濶清光多廬山霧開見瀑布曲江月淨聞
魚歌鍾陵八郡一作部多名守半是西方社中友與師相見
便談空想是高齋一作聲獅子吼

送元簡上人適越

前人

孤雲出岫本無依勝境名山即是歸久向吳門遊好寺還
思越水洗塵機浙江濤驚獅子吼稽嶺峯疑靈鷲飛更入

天台石橋路垂珠璀璨拂山衣

送寶韻上人遊天台

前人

曲江僧向松江見又到天台見石橋鶴戀故巢雲戀岫此
君猶自不逍遙

送惟良上人

前人

高齋灑寒水是夕山僧至玄牝無關鎖瓊書拾文字燈明
香蒲室月午霜凝池語到不言時世間人自集作盡睡

贈高僧集作文應上人

孟郊

棲遲青山巔高靜身所便不踐有命地集作草但飲無聲泉
齋性空轉寂學情深更專經聞開古葉衣製垂秋蓮厭見
俗人群暫來此安禪集作却旋

送溪上人

集作送清遠上人歸楚山舊山寺一作國清上人遊蘇

波中出吳境霞際登楚岑水寺一別來雲

一作蘿三改陰風

詩誇碧雲句道澄青蓮心應歎萍汎

集作笑者不如知

松隱深

郡齋月下

集作暇日

憶廬山草堂兼寄二林僧社三十

韻多叙貶官已來出處之意 白居易

諫諍知無補遷移分所

當不能堪

集作匡聖主祗合事空王

龍象投新社鴛鴦失故

行沉吟辭北闕誘引向西方便住

雙林寺仍開一草堂平

治行道地

集作安置坐禪林手板

支爲枕頭中閣在墻先

生鳥几烏居士白衣裳竟歲何曾

問終身不擬忙滅除殘

夢想換盡舊心腸世界多煩惱形

神久損傷正從風鼓浪轉作日銷霜

佛經云生死無休如風鼓浪又云煩惱如

霜露惠日能銷除

吾道尋知止君恩偶未忘忽蒙頒鳳詔兼謝

借剖魚章蓮淨方依水葵枯重仰陽三車猶夕會五馬已

晨裝去似尋前世來如別故鄉眉低出鷲嶺脚重下蛇岡

漸望廬山遠彌愁峽路長香爐峯隱隱巴字水茫茫瓢掛

留亭樹經收在屋梁春拋紅藥圃夏憶白蓮塘唯一作擬

捐塵事將何答寵光有期追永遠

晉宋間遠法師未禪無師同隱廬山二林

政繼龔黃南圃秋猶熱西齋夜漸

集作暫

涼閑吟四句偈靜

對一爐香身老同丘井心空是道場覓僧爲去伴留俸作

歸糧爲報山中侶憑看竹下房會應歸去在松菊莫教荒

對小潭寄遠上人

前人

小潭澄見底閑客坐開衿一作襟借問不流水何如無念心
惟彼清且淺此乃寂而深是義誰能答明朝向道林

與僧智如夜話

前人

懶鈍尤知命幽棲漸得明門閑無謁客室靜有禪僧爐向
初冬火籠停半夜燈憂勞緣智巧自喜百無能

寄山僧

前人

眼看過半百早晚掃巖扉白首誰能住青山自不歸百千
萬劫障四十九年非會擬抽身去東風抖擻衣

晚春登大雲寺南樓贈常禪師

前人

花盡頭新白登樓意若何歲時春日少世界苦人多愁醉
非因酒吟悲不是歌求師治此病唯勤讀楞伽

此詩三百十卷重出今已削去

送文暢上人東遊

前人

得道即無着隨緣西復東貌依年臘老心到夜禪空山宿
馴溪虎江行慮水蟲悠悠塵客思春色蒲雲中

正月十五日夜東林寺學禪偶懷藍田楊六主簿

因呈智禪師

新年三五東林夕星漢迢迢鍾梵遲花縣當君行樂夜松
房是我坐禪時忽看月蒲還相憶始歎春來自不知不覺
定中微念起明朝更問鴈門師

贈草堂宗密上人

前人

吾師道與佛相應念念無為法法能口藏宣傳十二集作五

部心傳照耀百千燈盡離文字非中道長住虛空是小乘
少有人知菩薩行世間盡是重高僧

春憶三林寺舊遊因寄朗蒲晦三上人

一別東林三度春每春長似憶情親頭陀會裏為逋客供
奉班中作老臣清淨久辭香火伴塵勞難索幻泡身最慙
僧社題牆一作各處十八人名空中一作一人

題孤山寺山石榴花示諸僧衆 前人

山榴花似結紅巾容艷鮮集作新妍占斷春色相故開行道
地香塵擬觸坐禪人瞿曇弟子君知否恐是天魔女化身

廣宣上人以應制詩見示因以贈之詔上人居安

國寺紅樓院以供奉

道林談論惠休詩一到人間集作天便作師香積筵承紫泥

詔昭陽歌唱碧雲詞紅樓許住請平聲銀鑰翠輦陪行踏玉
墀惆悵耳泉曾侍從與君前後不同時

蕭相公宅遇自遠禪師有感而贈 前人

宦途堪笑不勞悲昨日榮華今日衰轉似秋蓬無定處長
于一作如春夢幾多時半頭白髮慙蕭相蒲眼紅塵問遠師
應是世間緣未盡欲拋官去尚遲疑

山下留別佛光和尚 前人

勞師送我行下山此別何人識此情我已七旬師九十當
知後會在他集作何生

贈別宣上人 前人

上人處世界清淨何所似似彼白蓮花在水不着水真空
真作性悟幻泡行潔離塵滓脩道來幾時身心俱到此嗟余
牽世網不得長依止離念與碧雲秋來朝夕起

秋遊平泉贈常處士閑禪師

前人

秋景引閑步山遊不知疲杖藜捨輿馬十里與僧期昔嘗
憂六十四體不支持今來已及此猶未苦衰羸心與遇境
發身力因行知尋雲到處愛泉聽滴時南村常處士西
寺閑禪師山頭與澗底閑健且相隨

